

初學集  
竹



02288

牧齋初學集詩註卷第九

錢後人錢

曾

遵王箋註

苦南



東海朱

梅

朗巖分校

崇禎詩集五

起巳巳八月  
盡四年辛未

巳巳八月待放歸田感懷述事奉寄南都諸君

子四首

留都文物漢西京  
虎踞龍蟠集俊英  
高廟神靈嘗陟降  
中朝佞倖敢縱橫  
瓊闈月白鍾山曉  
烏府霜寒淮水清  
望盡浮雲天北極  
長安應見泰階平

初學集詩註

卷第九

一

舊京清議仗羣公  
驛騎橫飛諫紙風  
拜表日行黃道裏  
焚香心在綠章中  
唐脉感激排狐鼠  
漢黨分明辨鼠鴻  
主聖時清還努力  
孝陵佳氣正蔥蔥

清議

二月十五日南兵科錢允鯨等  
有敬陳清議一疏飛章劾烏程

焚香

通鑑唐  
宣宗樂

聞規諫凡諫官論事門下封駁苟合于理多  
屈意從之得大臣章疏必焚香盥手而讀之  
南齊書顧歡傳昔有鴻飛天首積遠難涼歲  
人以爲鳥楚人以爲人自楚地爲常

三老衣冠在白門  
清朝麟鳳尚郊原  
積薪國有優賢

意碩果天遺舊德存  
安石流風傳賭墅  
半山陳跡說

爭繁金陵歷歷前朝事  
退食還應一笑論

三老謂司  
農鄭公三

俊大憲陳公于楚  
大理徐公良彥也



賭墅

晉書謝安傳安遣兄子玄計符堅玄人問計安曰已別有旨既而寂然玄令張玄重請安

命駕出山墅親朋畢集與玄圍棋賭別墅安常棋劣于玄是日玄懼便為敵兵而又不勝安顧其甥

羊曇曰以爭塋張邦基墨莊漫錄王荆公退居金

聖乞汝陵建宅于半山蓋自城至鍾山北

寶公塔路之半因以得名宅後有謝公墩乃謝安

石居東山之所也荆公詩云我各公字偶相同我

屋公整在眼中公去我來塋屬我不應塋姓尚隨

公其後公捨宅為報寧寺寺今亦廢而塋踳然獨

白浪橫流捲濁河餘生剛比一毛多羣公正議排間  
闔聖主深仁解網羅小圃春陰開汲甕孤舟野水老  
漁蓑輪囷尚有心期在獨倚樵風寄浩歌

反東坡洗兒詩已巳九月九日

初學集詩註卷第九

二

坡公養子怕聰明我為癡獸誤一生還願生兒環且  
巧鑽天鷲地到公卿

宋比玉過訪虞山將別以六絕句為贈

落葉蕭蕭響徑沙兒童却掃遲相邀看君漫滅懷中  
刺恰稱閒門有雀羅

懷中刺

後漢書禰衡傳衡氣尚剛傲懷一刺無所之至于刺字漫滅

突兀長篇賦荔支主文諱諫越人思歌樓酒壁從揮

灑且莫流傳諷諭詩比玉賦荔支長篇有樂天諷諫之遺

主文諱諫

毛詩序上以風化下下以風刺上主文而諱諫言之者無異聞之者足以成故

三風箋云主文主與樂之官商相應也諱諫詠歌依違不直諫歌樓酒壁元微之白氏長

慶集序二十年間禁省觀寺郵候墻壁之上無不  
書王公妾婦牛童馬卒之口無不道或持之以交  
消茗者處 諷諭 通鑑白居易作樂府及詩百餘篇  
處皆是 規諷時事沈聞禁中上見而悅之  
名入翰林  
為學士

五斗酒應饒下物八分書足張去吾軍疎牕小閣初  
冬夜月落歌殘可少君

張吾軍 昌黎醉贈張祕書詩阿買不識字頗知書八分詩成使之寫亦足張吾軍

吾谷丹黃似夢中經過每欲弔西風詩朋禪侶荆殘  
後也似霜林幾樹楓

吾谷 海虞文苑張應遴虞山記自西關出有周氏虞溪書院稍西而上有吳王夫差廟里許為沈氏園亭過此為孫氏墓名吾谷楸梧合圍冬時丹楓滿目最堪駐憩

初學集詩註 卷第九

三

膠水休為長歛歌州民地主遲君多南翔便是西州  
路匣硯囊琴忍再過南翔李長衢所居

西州路 晉書謝安傳羊曇為安所愛重安薨後輟樂彌年行不由西州路嘗因石頭大醉扶路唱樂不覺至州門左右白曰此西州門曇悲感不已誦曹子建詩云生存華屋處零落歸山邱因痛哭而去

葦城寒月正如規列屋徵歌鬪十眉寄語主人應醉  
客莫嫌宋玉有微詞

葦城 大明一統志葦城在松江府城南葦亭谷東吳陸遜生于此唐陸龜蒙詩五葦春草雉媒嬌註謂五葦者吳王獵所如規山谷次韻送定公

十眉 東坡眉子石硯歌君不見成都畫手開十眉橫雲却月爭新奇施宿日川畫十眉圖序蛾



眉翠黛卧蠶捧心。偃月復月。銷黯柳葉遠山。八字  
是爲十眉成。都古今集。詠明皇御容院有宋菽畫  
美人侍明皇翠眉十種。微詞。宋玉登徒子好色賦。  
世多傳寫以爲贈玩。登徒子侍於楚襄王。  
亞宋玉曰。玉爲人體貌閒麗。口多微詞。

比玉將行次前韻留別再和六首

幾樹梧桐一徑莎。君行剝啄少人過。衡門兩版堅如  
鐵。不用門前更設羅。

陳紫姚黃品荔支。謫官風味正堪思。對君畫筆流涎

劇。况味梁溪斷送詩。李忠定謫沙陽有畫荔枝詩以  
陳紫比姚黃又詩云。不知誰是

善知識斷送歸來食荔枝比玉畫荔枝  
懸余小閣中見之者以爲可旋摘也。

謫官。李綱梁溪集畫荔枝圖詩南閩  
荔枝名四方非因謫官那得嘗。

初學集詩註 卷第九 四

三杯自可觀鵬政。一日那能廢酒軍。莫道醉鄉無史

牒。酒家南董定推君。比玉方  
修酒志。

酒軍。樂天仰令狐相公寄劉郎中詩酒  
軍詩敵如相遇。臨老猶能一據鞍。

十載清游在眼中。霜林共惜小春風。白頭伴侶三人

在。約畧心期愛晚櫺。孟陽楓林遲比玉詩云。前期尙  
有逆來客。莫發小春花信風。去

今十三年。同游李  
長蘅伯等。慈皆沒。

手自鳴琴客善歌。淋漓潑墨酒邊多。瓊花珠月如相

待。便似當年老鐵過。

瓊花。楊鐵崖吳詠三十六橋明月夜。姑蘇城裏有  
瓊花。注云。官妓名瓊。花宴者。新自淮陽來。蘇

州楊循吉蘇談顧阿璫在元末爲崑山大家亭館  
有三十六處。當時如楊廉夫鄭明德張伯雨倪元

鑰皆其往還客也。有二妓曰珠月，揚鐵崖贈瓊花小瓊，南枝秀每會必預焉。珠月詩：新年春色在鄰家。隊子三三聚館中。月滿十分珠有價。花開第一玉無瑕。葡萄酒醞沉櫻果。翡翠鞦韆踏月牙。老子圍紅先點筆。詩成免飲白蓮花。

畫船携得硯如規。會向春紅伴畫眉。珍重朝來遠山色。小鸞休咏白頭詞。此玉載宋硯甚富。小鸞比玉妾也。

春紅羅鄴牡丹詩：落盡春紅始見稀。馮贄雲仙散錄：閩州參軍黃涉，婦曰笑春紅，死，涉念之，淚洒犀簾，至遠山。葛洪：西京雜記：卓文君皆損壞。遠山妓好眉色如望遠山。白頭詞京雜記：相如將聘茂陵人女為妾，卓文君作白頭吟以自絕，相如乃止。

比玉許再和前韻。長至日蚤起復書此趣之。

斗柄瞻相。手自莎。經典釋文：頰潤猶接莎也。人間屈曲偶經過。笑

初學集詩註 卷第九 五

君尚護仙人短。顧我依然口縷羅。此玉書來嘆余屏絕故云。

斗柄昌黎讀東方朔雜事詩：瞻相北斗柄。兩手自相接。仙人短昌黎紀夢詩：乃知仙人未賢聖。護短。縷羅。紀夢詩：夜夢神官與我。憑思邀我敬。

踏遍炎荒喫荔支。輕紅旋摘也堪思。梁溪詩云：輕紅旋摘自提携。

不如且對臙脂畫。菜几湘簾賦小詩。

菜几東坡贈鄭清叟秀才詩：澹然雨無求。滑淨空菜几。

落魄風流迥不羣。酒場騷壘自能軍。微詞若道無人

解何事登徒也識君。

吳儂難得到閩中。想象生香是捉風。脫畧味香單說

色判他紅荔似丹楓。



茸城聽遍後庭歌。還憶梅花拂水多。一樹莓苔數枝  
雪。凌寒著藥待君過。

北嶺參差露半規。西山重疊隱修眉。登樓何限思君  
意。簾閣焚香讀楚詞。

次韻何慈公歲暮感事四首

蕪北兵塵逼暮久。孤盧愁殺老吳儂。龜劄但爲知人  
事。蟻鬪誰能壯國容。拔宅升天還有路。乘桴入海欲

何從。殘生顧影真堪笑。好笑非關學士龍。

龜劄 莊子外物篇宋元君夢神龜令余 蟻鬪 北齊

武紀自東西魏構兵鄴下每先有黃黑螻陣鬪占

初學集詩註 卷第九

六

勝負 士龍 晉書陸雲傳機雲入雒機初詣張華

俄而雲至華爲人多姿致又好帛繩纏鬚雲見而

大笑先是嘗著線經上舡于水中見其影因大笑

落小人 救獲免

梅信差池鶴夢寒。傍簷聊喜鵲聲乾。途窮白髮猶難

放身老陰符已不看。南海騎麟真漫浪。東門逐兔枉

悲酸齋盞且喫殘年飯。兩耳那堪著箭瘢。

騎麟 立怪錄騎麟客者南陽張茂實家傭僕也其

近肯相逐一遊乎相與南行一里餘曰黃頭執此

飯 少陵病後遇王倚飲贈歌但使兩耳箭瘢 陸游  
殘年飽喫飯只願無事長相見 雨唐

書王與傳與少從軍攻潤州為巨弩所射中右耳  
矢自左耳出又中旁一人立死與扶歸營卧百日  
復起耳至老不  
聾亦無瘢瘻

空堂莞藉正幽幽韓詩空堂幽幽有藉有卷高枕慚非抱膝流老

去童心還似少春來蓬戶只如秋視澌凍合愁南牧

併酒香濃念北邙寒瘕頗思龜手藥百金安敢覬封

侯

寒瘕漢書趙充國使軍士寒手足皸瘕文穎曰皸坼裂也瘕寒創也師古曰皸音軍瘕首竹足

反龜手藥莊子逍遙遊篇宋人有善為不龜手之藥者世世以泚泚統為事客請買其方

百金得之以說吳王越有難吳王使之將冬與越

人木戰大敗越人裂地而封之能不龜手一也或

以其或不免于泚泚統則所用之異也

初學集詩註

卷第九

七

風雨漂搖不可當清虛宮裏日差長鬪棋小試行軍

法撒豆頻誇却敵力閒逐鄧林搜棄杖戲禁滄海學

栽桑險竿兒女西涼仗贏得先生一哄堂

鬪棋史記封禪書樂大言多方畧放為大言上使先驗小方鬪棋棋自觸擊撒豆晉書

赤瑛傳瑛取小豆三斗繞主人宅散之主人晨見

投于井中數千赤衣人棄杖山海經夸父與日逐走渴飲于河渭不足

北飲大澤未至道渴而險竿兒女張鷟朝野僉載幽州人劉交戴

死棄其杖化為鄧林長竿高七十尺自擎上下有女十二甚端正哄堂

於竿置定跨盤獨立見者不忍女無懼色

李肇國史補合座皆笑謂之哄堂

野老



野老心終恨。驕扶藜。咄咄步中宵。卽看露布來京國。無那雲林遠。市朝筵卜類。煩欣竹算鏡。聽瑟縮畏詩妖。輟耕今日欣相告。嵩祝仍趨誕聖朝。

**咄咄** 股去小聲。漢武嘗徵行造主人家。有婢國色。帝悅之。留宿。夜與婢卧。有一書生亦寄宿。善天文。忽見客星將掩帝座。甚逼。書生大驚。連呼咄咄。不覺聲高。乃見一男子操刀欲入戶。聞書生聲。急為已。故遂縮走去。客星應時而退。帝曰。此人有婢。婿也。名集。期門羽林。掄奴問之。服而誅。帝曰。斯益天啓書生之心。

**雲林** 杜牧之送隱者絕句。無嫌以扶佑朕躬也。徑路草蕭蕭。自古雲林遠。

**市筵卜** 離騷。索瓊茅以筵筭兮。命靈氛為予占之。王逸曰。瓊茅靈草也。筵。卜折竹也。楚人名結草折竹以下曰筵。

**鏡聽** 朱弁曲消舊聞。王建集五臣曰。筵竹算也。鏡聽。有鏡聽詞。謂懷鏡于通衢間。聽往來之詩妖。漢書五行志。君旣陽而暴虐。言以占休咎。

**初學集詩註** **卷第九**

發于歌謠 故有詩妖

**讀史**

班史才繙又短長。閑鑽故紙費商量。死人豈必無生術。今病何曾乏古方。種漆樊侯知備豫。解絃董子會更張。空齋白日聊成夢。一笑依然看屋梁。

**鑽故紙** 燈錄。古靈禪師一日在廳下看經。蜂子。鑽紙求出。師曰。世界如許廣闊。不肯出。鑽他種漆。後漢書樊宏傳。宏父重嘗欲作器物。先故紙種漆。時人嗤之。然積以歲月。皆得其用。向之笑者。咸求假焉。建武解弦。漢書董仲舒傳。十八年。迫爵謚為壽張。敬侯。警之琴瑟不調。甚者必解而更張之。乃可鼓也。為政而不行。甚者必變而更化之。乃可理也。

庚午二月。慈山大師。全身入五乳塔院。屬其徒

以辦香致弔奉述長句四首

墮山如乳五峯垂一塔巋然掩導師面壁朝來仍入  
定藏舟夜半已潛移影堂月落明燈在刻漏穿花響  
梵遲莫問阿師聲後仰卧龍岡水繞堦堦  
師臨終不  
作傷有學  
人妄添蛇  
是故云

墮山詩周頌般章墮山喬嶽毛萇傳曰五乳王之與

地紀勝南康城西五峯如乳頭立導師道誠釋氏

城上號五乳峯有香積院在峯下導師佛報恩經云

經云能為人說無死生道故名導師佛報恩經云

大導師者導以正路示涅聲後句五燈會元瑞州

樂經使得無為常樂改聲後句九峯道處禪師

日不假三寸試話會看不假耳試承聽看不假眼

試辨白看所以道聲前拋不出旬後不藏形僧問

初學集詩註

卷第九

九

懷州立泉彦禪師如何是聲前一句卧龍曹溪志

師曰吽曰轉後何如師曰如是甚麼卧龍峽口一

石偃蹇數丈水浮石面宛如

龍卧故名卧龍石坐鎮水口

如玉氣宇更誰先蹙踏平欺龍象筵斷取陶輪憑手

掌破除彌戾等雲煙空山月照吾龕裏春日鶯啼石

塔前猶有六時喧瀑布諸方驚倒野狐禪

如王五燈會元黃龍慧南禪師依泐潭澄禪師分

座接物名振諸方偶同雲峯悅禪師語雲門  
法道峯曰雲門氣宇如玉廿死語下平澄陶輪摩  
公有法授人死語也死語其能治人乎陶輪摩  
語經斷取三千大千世界如陶家外彌淚今諸闡提  
輪著右掌中擲過恒沙世界之外彌淚今諸闡提  
隳彌戾車長水疏曰彌野狐禪五燈會元懷海禪  
戾車此云樂垢穢人師每上堂有一老  
人隨眾聽法一日眾退唯老人不去曰某非人也  
千過去伽葉佛時曾住此山因學人問大修行人



還落因果也無某對云不落因果遂五百生墮野  
狐身今請和尚代一轉語貴脫野狐身師曰汝問  
老人曰大修行人還落因果也無師曰不昧因果  
亡僧津送師白椎告衆至山後岩下  
以杖挑出一死野狐乃依法火葬

龜毛兔角不須疑千傷瀾翻信口爲支遁何妨通義

學遠公原是老經師周續之與雷次宗同受遠法師詩義見詩經疏義 水山

瘡海埋身處木索冠巾說法時讀罷豐碑度林樾香

爐峯頂月如規

龜毛兔角首楞嚴經佛告阿難汝言覺知分別心性俱無在者世間虛空水陸飛行諸物象各爲一切汝不着者爲在爲無無則同于龜毛兔角云何不着者不着者不可名無世說文學篇莊子逍遙篇魯是難處諸名賢所可錯味而不能按理于郭向之外支道林在白馬寺

初學集詩註 卷第九

十

中將馬太常共語因及逍遙支卓然名賢尋理于二  
家之表立異義于衆賢之外皆是諸名賢尋理于二  
所不得後 冰山師至五臺下居北峯之龍門老屋遂用支明 冰山數椽在萬山冰雪中匡山黃龍潭澈空禪師來訪留與同住大雪經旬各臺頂雪吹聚龍門覆靜室深幾十丈澈師推簾撥火以手探之知爲雪擁師命吹火火發師曰性命可保矣融雪作茶飯畢相對兀坐聞隱隱有人聲白此是臺頂上人爲我開雪聲寂白此或夜矣雪中不辨晝夜以聞聲爲晝不聞聲爲夜久之人聲漸高朗解近乃北臺白馬寺中臺三處集三百餘衆執鋤鑿探竿依龍門路用竿隨探隨挖抵靜室衆掀簾見師抱足慟哭白經此大難幸而有火此佛瘡海師天際佈也師合掌謝衆白也夢經過那羅延窟從楞嚴疏菩薩住處品中三住清涼疏梵語那羅延者以來諸菩薩衆于中止住清涼疏梵語那羅延此云堅牢卽東海之牢山也師因募之萬曆十一年癸未夏四月八日師至牢山擇南山最深處面臨大海誅茅結廬以居東人從不知有佛法師住山十二年方便講化始信三寶師嘗云是知彌戾

車地未嘗  
斷佛種也  
木索  
師侵占道院飛章誣奏有旨逮師

詔獄先是慈聖崇信佛乘效使四出中人讒搆動  
帑金以煩費為言所司希視風旨欲盡按諸名山擅施

獄成將置聖母何地得無傷皇上公欲某誣服易耳  
具獄上止剽前山東賑飢三千金有內庫支籍可

考上意解坐私造寺院造戍雷州二十四年度庚  
嶺入曹溪抵五羊楮衣木索以見粵帥師為解其

紳三月十日就編伍于雷州寓城西古寺注楞伽  
是歲大疫死者相枕籍師如坐尸隨林中率眾掩

墜作廣鴻沙會大兩平施三寸為軍持以橫戈  
演武場作從軍詩二十首以刁斗為軍持以橫戈

為錫杖以環甲為堞示以旄麾為法幢白刃春風  
居然一大冠中

禪室于壁壘間擬大慧冠中說法  
講法華經至寶塔品人人皆悟變

婆華藏開遮示現涌出于目前也香爐峯慧遠廬  
南有香爐山孤峯秀起游氣籠其上則氣氤氳若香

烟樂史寰宇記香爐峯在山西北其峯尖圓烟雲

初學集詩註

卷第九

十一

聚散如博山  
香爐之狀

猶憶拏舟夜別師  
胥江水落月斜時  
草堂未踐青山

約蓮社空餘白首期  
坐斷風雷成小劫  
夢回甲子看

殘碁傷心誰繼蕭夫子  
謂宗伯宜為斲曹溪第一碑

草堂  
梁天草堂記匡廬奇秀甲天下山之北峯曰  
香爐峯北寺曰遺愛寺寺介峯間其境勝絕

又甲廬山白樂天見而愛之若遠行客遇蓮社樂  
故鄉戀戀不能去因而面峯腋寺作草堂

文類贊寧結社法集文晉宋間廬山慧遠化行漳  
陽高人逸十輻輳于東林皆願結香火社立宗

宗炳張詮劉遺民周續之等共結蓮社社名始于此  
吃象求願往生安養國謂之蓮社社之名始于此

也風雷  
釋氏稽古錄惠遠于廬山建東林寺經管  
之際山神降靈願加資助信宿風雷夜作

晦冥大雨明發就觀良木殊林駢羅其  
處相伊初臨北故驚其神異奉立寺焉



贈廬山知微長老

大師昔陷若盧微。長老一身視饑寒。大師今埋五乳  
峯。長老六時司鼓鐘。死生形影不相捨。長老為雲師。  
為龍。大師石塔何崔嵬。影堂正向廬山開。焚香掃地  
坐。復臥臥聽瀑布如崩雷。塔裏明燈嘗不動。塔前青  
松手所種。若問長老年幾何。長老身心盡如夢。

瓜山沈老居北郊茂瓜邱老而好事賦以贈之

中裁白氎杖紅藤。丙舍青山近可登。叢桂秋風生北  
郭。種瓜朝日曜東陵。繁華眼底看巢燕。矍鑠眉端想  
管鷹。老去光明須記取。祝君嘗比佛前燈。沈老深日  
高類里人

初學集詩註 卷第九

主

有老人燈之  
日故戲之

白氎

南史夷貊傳高昌國有草實如蒲爾中象如  
細纒名為白氎子國人取織以為布布甚軟

白交市  
用焉

紅藤白樂天紅藤杖詩南詔紅藤杖  
西江白首人注日出產南蠻

丙舍

王羲之有墓  
田丙舍帖

戲為拂水築臺歌贈嘉定夏生華甫

拂水山高屋庑下。况復蒙茸隔林莽。牆外青山自矗  
立。招邀未肯入庭戶。徙倚觀山意未愜。何繇收攬得  
十五今年疊石為此臺。面勢軒敞恣所取。向背數步  
藏曲折。位置羣山就仰俯。劍門闔扇手可排。石城雉  
堞指能數。此山與我非生客。欣然故人讌。唇爭蛟

似可下枕席傲兀頗欲分笑語登臺四顧咸嘆息問  
誰築者夏華甫夏生豁達俠者流酒後槎牙出肺腑  
爲山一簣雖細事如登將臺捏齊斧山岷岯岯園丁  
築轉圓鬪筍類搏土刻漏立表各命工能驅市人束  
部伍輿譟聲闌畚築罷獨提巨石手撐拄不煩執杖  
爭用命日旰奮迅逾亭午又如大將督戰陳身先士  
卒共甘苦人言夏生築臺好生也俯躬但偃僕指麾  
幸有松圓老敢貪天功摺旂鼓此意遂巡人豈知說  
禮敦詩聞自古君不見東方口口躡畿輔去年血濺  
蘆溝橋今年塵暗平灤土朝廷將吏盡賈豎天子拊  
初學集詩註 卷第九 十三

禪思文武夏生夏生吾惜汝投石馭衆氣如虎何不  
置之遵承聞仲以長繩縛驕口

生客

東坡志林子由作栖賢僧堂記讀之便如在堂中見水石陰森草木膠葛也僕當爲書之

刻石堂上且欲與廬山作齊斧漢書王莽傳喪其

也亡其利斧言無以復斬斷也刻漏立表李誠營

師古曰此易與卦上九爻辭也取正之制先于基址中央日內置圓板徑一尺三

寸六分當心立表高四寸徑一分畫表景之端記

日中最短之景矣施望筒于其上望日星以正四

方若地勢偏表卽以景表望筒取其正四方或有可

疑處則更以水池景表較之其立表高八尺廣八

尺中廣一尺于一尺之內隨表之廣刻線兩道一

尺之外開水道環四周廣深各八分用水定平今

日景兩邊不出刻線以池板所輿譟呂氏春秋今

指及立表心爲南則四方正輿譟舉大木者前

譟音呼  
杖音跌阿  
限也又音  
以當手杖  
音吐執杖  
者以其不斂



呼與謬後亦應之此其于舉大木者善執杖左傳  
矣豈無鄭衛之音哉然不若此其宜也執杖襄公  
十七年平公築臺子罕親執  
朴以行築者而快其不勉

夏日借朱子暇憩耦耕堂次子暇訪孟陽韻三

首

面湖軒敞背山深○小築依然是故林○清簾看暮方丈

客○等慈師居山中○縛禪之暇觀碁至夜分孟陽  
詩云影堂月落泉鳴咽無復疎簾看弈碁  
夜燈

聽雨十年心○遺民老似孤花在○陳跡閑隨舊燕尋○擬

著此中棲逸史○遠從虞仲到於今

聽雨杜荀鶴旅館遇雨詩半夜燈  
前十年事一時隨雨卸心頭

艱危闕盡想方袍收拾殘生避豕豪○一酌春醪營我

初學集詩註卷第九 孟

老千章夏木為君高○圖山墨漫西湖雨○煮水茶生北

澗○濤稍待秋風到○蘆荻共尋蟹舍上魚舫

方袍白氏六帖高僧肇法師制四論呈劉豕豪本  
遺民遺民嘆曰不意方袍復有平叔

圖經豕豪猪鬣間有豪如箭能  
射入陝洛江東諸山中竝有之

澹景芳陰梅雨時○過雲相訪少人知○紅稀舊圃羣蜂

去○青暗重林碩果垂○澗底流泉穿石急○松間明月出

林遲○他年終作三休侶○乘興先為結隱期

雲門松陵集陸龜蒙四明山詩序山中有雲不絕  
者二十里民皆家雲之南北每相從講之過

雲過雲詩相訪一三休新唐書卓行傳司空圖居  
程雲雲深路僅分三休中條山作休亭記日休

美也既休而美具故量才一宜休端分二宜休耄  
而懷三宜休又少也惟長也幸老也迂三者非濟

干將行 庚午五月十三日 傷臨邑司馬而作

君不見莫耶之劍缺黍米。姑蘇梧桐卧流水。莫耶舊恨今已矣。又見干將死獄底。干將鑄時光屬天。百神下降蛟龍纏。鬼怪相戒匿形影。纜槍不敢爭妖躪。可憐劍氣一朝盡。黑獄沉沉埋血燐。牛斗變化知何日。貫索光芒向誰出。君不見延津龍去有餘悲。還憶吳宮麋鹿時。無復湛盧誅宰嚭。爭傳屬劍賜靈胥。

臨邑司馬

崇禎元年蒲州桐政大起廢籍以工部左侍郎王洽為大司馬洽臨邑人也先

以忤奄去國時稱其賢然未許以知兵也二年建師闢入遵化將薄都城袁崇煥先以蕩滅自詔一且縱敵長擊舍黃入援至京被逮敵退缺黍米吳傑崇煥于市臨邑以邊人不戒下獄死

初學集詩註 卷第九

五

春秋閻閻使干將鑄劍干將者吳人也莫耶干將之妻干將作劍採五山之鐵精六合之金英候天何地陰陽同光百神同觀天氣下降而金鐵之精不消淪凌莫耶曰神物之花須人而成乃斷髮剪瓜投于爐中金鐵乃濡遂以成劍陽曰干將陰曰莫耶干將匿其陽出其陰適會魯季孫聘于吳閻問曰美哉劍也夫劍之成也兵禱有闕則亡矣我雖好之其可受

梧桐 吳越春秋吳王假寐姑胥之臺夢流水越宮堂前園橫生

贈張五叔維

幾枝檉柳半牀塵。門外青山過雨新。送米僧來嘗共食。乞花客至已忘貧。屋如韓愈詩中句。 韓詩破屋數間而已矣 身是玉繩畫裏人。一曲洞簫判盡醉。桐華滿地月如



檉柳

爾雅釋木檉河柳郭璞曰今河旁赤莖小柳

崇禎庚午中秋日拜觀睢陽五老圖敬次杜正

獻公原韻

鬚眉中屢盡高閑瞻拜修然整傲冠舊德至今傳五  
老豐碑何用祝三桓拔茅車往風猶在舉網謀成骨  
已寒嘆息昭陵還盛世儀刑長向畫圖看

五老

祝誠蓮堂詩話宋杜衍字世昌慶曆中大拜時稱清白宰相封祁國公至德中退居睢陽

與馮平王煥畢世長朱賈咸以首德掛冠優游桑  
梓暇日宴集為五吟會賦詩翻唱義明逸為序云  
躋榮名而保終古却貴勢而躋遐尚白首一節人  
生所難杜公詩云五人四百有餘發俱解分曹與

初學集詩註

卷第九

七

掛冠天地至仁難補報林泉幽致許盤桓花朝月  
夕隨時樂雪巖霜鬢滿座寒若也睢陽為故事何  
妨列向畫圖看馮和云醉遊春圃烟霞吟聽秋  
潭水石寒畢詩云篇章捧和慚風雅春待優陰荷  
歲寒宋詩云各還朝政逼堯年鶴髮俱宜頂道冠  
乍到林泉能放曠全拋簪笏尚盤桓云云歐陽永  
叔借觀五老圖次韻云脫遺軒冕就安閑笑傲即  
園縱掛冠白髮憂民雖種種丹心許國尚桓桓鴻  
冥得路高難敬松老無風種自香聞三桓記桓鴻  
說優游多倡和折詩何惜盡傳看也謂用大木為  
碑三家視桓楹正義曰公室之喪視豐碑豐大也  
其用之碑如大楹柱

八月十二夜

憑闌風露浩難收旋覺清光在上頭橫攬烟縷成小  
築平臨雲物見高秋時秋水閣初成與孟陽綠梯登眺月竒窈窕山

皆漏湖逗空明野欲流尊酒相看多遠思蘆花如雪

記滄州余去年過滄州有懷孟陽詩

上頭少陵鳳凰臺詩安得百丈梯為君上上頭

十三夜

石城雲散暮煙收冉再清光兩白頭坐久湖山皆得  
月望窮天宇始知秋浴鷗汀渚層層出沒鷺溪田淞  
淞流孟酒勸君成一笑長餅那得更滄州

十四夜留吳門卜潤甫

傍嶺新成駐月樓客來恰喜值中秋苦多風雨催君  
去惜少湖山為我留滄酒淡堪澆小戶漁灣淺可繫

初學集詩註卷第九

扁舟劫灰金虎繁華夢莫對佳晨憶二邱

小戶寶華酒譜唐白公以戶小飲薄酒金虎陸廣微吳地記虎邱山在吳縣西北九里

二步吳越春秋云闔閭葬虎邱十萬人治葬二邱經三日金精化為白虎蹲其上因號虎邱

東坡次王忠玉遊虎邱絕句當年太白此相浮老

守娛賓得二邱坡公自注曰郡人有閭邱公太守

十五夜不見月

兔遠蟾高不用愁浮雲只在屋東頭雖虛灑灑金尊  
焰却掩蕭蕭白髮羞栖鶴疑蕪思北嶺啼螿清切近

南樓更闌且對殘燈臥領畧孤衾一段秋

疑蕪世說辨調篇羊叔子有鶴善舞嘗向容稱之客試使驅來疑蕪而不肯舞



十七日雨中小酌卽事

稻花風急浪花催。湖外重陰積不開。好客恰如將雨  
至。清歌直欲送愁來。雲霾月窟千層合。日射山根一  
颯迴。棋罷燈殘北牕下。秋蟲多處重徘徊。

嘉定李茂初風雪中自南翔過訪不值而去留

詩盈帙。頃復枉和初夏次韻詩。見懷遂依韻奉

答。首章傷長蘅之逝而未章。則期茂初之來茂

初長蘅之兄也。

膠水池塘草又深。檀園園柳蔚成林。新桐但引清晨

恨。長蘅檀園引新桐為亭名之曰晨露落葉空驚獨夜心。佳句見君還

初學集詩註卷第九

六

鬢髯懽。除夢可追尋。劇憐一掬南翔淚。兩度西風

怨到今。

百里嚴風刮敝袍。吟髭凍合想抽豪。論交自為冰霜

苦。煉句偏於寒餓高。滄海我真愁瀕洞。菰蘆君亦嘆

波濤。斜風細雨松江路。篋笠何因共小舫。

瀕洞

淮南子原道訓篇與天地瀕洞

蕭閑山館晚秋時。風物還堪報子知。楓葉三分霜點

染。荷衣十字雨。低垂縣流澗。合泉來早。傍嶺樓成。月

去遲。相訪不須愁剝啄。應門雙鶴有前期。

十字

陳後山詩話一守與客行林下曰梅花十字梁顧客對其倅晚食菱方得對曰菱角兩頭

尖皆俗諺  
全語也

眼鏡篇送張七異度北上公車

西洋眼鏡規璧圓。玻璃爲質象絢緣。千年老冰出玉  
淵。巧匠消冶施刻鏤。薄如方空吹輕煙。瑩如月魄濯  
清泉。帷燈簾閣對箭編。能使老眼回少年。蠅頭蠹尾  
如兒拳。虺虱豈必非輪懸。賈胡贈比黃金千。伴我綸  
閣今歸田。短檠曲几相周旋。無復椽燭輝金蓮。兔園  
敝冊齧且穿。礫碎響勸蟲魚篇。此鏡失職吾所憐。摩  
娑三嘆夜不眠。張兄偕計北上燕。束芻送絲當贈鞭。  
侑以此物非棄捐。如遺美女詒朱鈿。萬蟻戰酣晝日

初學集詩註

卷第九

九

啟五星明聚夜緯。聯春蠶食葉秋毛旋。此鏡燿燿開  
蓋纏。目光如炬筆如椽。六丁下取奎避躔。春玉三月  
花嬋娟。紗燈玉谷聽臚傳。萬言長策貢細旃。閣老次  
讀當御筵。君家金鏡此其先。天地章光宜節宣。有鏡  
覆目光乃全。惟皇聰明曜八埏。冕旒蔽明垂遂延。知  
白守黑通重玄。眼有瘴膜得鏡蠲。如燈能照日月偏。  
竝觀兼聽無愚賢。不見煉石能補天。老農潦倒牛背  
遠負日欲獻無因緣。長歌此詩風謠然。願君採進重  
瞳前。

千年老冰

蘇鶚杜陽雜編順宗即位拘弭國常貢  
堅冰云其國有大疑山中存冰千年不



初學集詩註

卷第九

三

釋及賁至京師潔冷如故雖盛夏猶日終不消腐  
 之即與中國者無異趙葵行營雜錄劉貢父為中  
 書舍人一日朝會煇次與三衛相鄰時諸帥兩人  
 出軍伍有一水晶茶盃持玩良久一帥曰不知何  
 物所成瑩潔如此貢父隔幃謂之方空後漢書肅  
 曰諸公豈不識此乃千年老水耳方空宗紀諸齊  
 相有水鉢方空擊吹綸絮臣賢曰穀紗也方空  
 者紗薄如空也或曰空孔也即今之方目紗也董  
 尾僧釋之金壺記書論曰董鬻列于湯問篇純  
 尾勢者謂駐鋒後還也昌學射于飛衛  
 昌以卷懸貳于購南而望之旬日之間漫大也三  
 年之後如車輪焉乃以燕角之弧朔蓬之箭射之  
 貫風之心而懸不絕殷東芻蕘絲公孫弘以元光  
 敬順釋文曰卷音毛東芻蕘絲公孫弘以元光  
 五年為國士所推尚為賢良國人鄉長冠以其家  
 貧少自資致乃解衣裳以衣之釋所著冠履以與  
 之又贈以生絲一束萬蟻戰酣石林詩話歐公知  
 禹王梅公儀韓子華同事而梅聖俞為泰詳官未  
 引試前唱酬詩極多歐公有無諱戰士街枚勇下

筆春蠶食葉聲聖命有萬蟻戰酣春晝目光王鈺  
 不五星明處夜堂深亦為諸公所稱目光王鈺  
 賁元發言杜祠公作相夜召元發作文字左右乘  
 燭手展書卷起而觀之見眼有黑光徑射紙下元  
 發默然曰杜公之貴者此也後與王介甫同夜直  
 忽見介甫展書燭下黑光亦徑射紙上因與荆公  
 說荆公之事言介甫他日必作如椽晉書王導傳  
 相數年之間果如元發所言如椽晉書王導傳  
 大筆如椽與之既覺語六丁昌黎調張籍詩仙官  
 人曰此當有大手筆事六丁昌黎調張籍詩仙官  
 萬言唐語林天寶中漢州雒縣張陞自舉日試萬  
 紙筆就席環旋而坐但占題身自巡歷依題口  
 授周而復始至午後詩成七千餘字仍請滿萬率  
 相曰七千可謂多矣何必須細旆漢書王吉傳廣  
 萬具以狀聞時號張萬言細旆漢書王吉傳廣  
 上師古曰廣夏大旆旆與禮同

同徑山僧出郊看紅葉

烘日蒸霞萬樹堆。石城應作赤城猜。駐顏能相  
待。試手天公又一迴。斜照樓臺疑罨畫。晚風蛺蝶誤  
遲回。老僧住近臨安路。錯認漫山錦繡來。

十月十七日偕孟陽茂初步至寶嚴灣楓林爛  
然。因尋故人瞿元初墓。徙倚寺前石橋作短歌

記之

谷林之西石城東。竊紅殷紅燒。去秋空誰知寶嚴灣  
更好。四山合沓藏千楓。呀然一徑通窈窕。流丹綉赤  
相蔽蒙。護惜霜風起屏幃。包裹錦繡圍房櫳。我來步  
屨如相引。照眼灼爍驚芳叢。忽如漁郎造花徑。綠溪  
初學集詩註 卷第九 三

瞥見花茸茸。又如天台山匝匝。好女離立矜春容。煙  
林向背亂朱碧。日影穿漏皆玲瓏。背日丹楓畫不出  
坐卧彌覺此語工。道旁宿草故人墓。黃土正掩紅葉  
中。追憶生平腹痛語。安得盃酒澆蒿蓬。人言此墳古  
塔址。指點邱垤看籠窳。白楊蕭蕭響空谷。長似鈴鐸  
悲回風。沉吟感歎古寺側。斜陽猶照一畝宮。寺門寒  
水石橋下。恰有一葉流殘紅。

谷林

盧知州琴川志出秋報門循山而西過吳王廟五六里有光淙亭又其西曰谷林參議虞

似平

古塔址

中吳紀聞常熟海隅山有古剎號寶巖院吳越錢王之子祝髮于此太宗

嘗賜御書急就章道遙詠及聖惠方于寺中有浮屠七級極極莊嚴吳人相傳自京師來泗洲僧伽塔



次日自拂水步至吾谷登南巖憩維摩寺金粟  
掌飯後下破山過高僧墓與孟陽尋等慈和尚  
葬處薄暮而返卽事爲詩語不倫次

意行曳杖隨所躡遙林紅葉紛相諠信步谷林凌坡  
陀矯首維摩限煙嶺惠不在天行卽到一笑欣然發  
勇猛追趨樵子穿犖磽提掇裳衣避柴梗攜手反

平  
晒僮奴喘失脚恐踏後人頂石徑登登磐石出岫轉

峯廻在俄頃老僧導我遊南巖巖踞山巔儼項領突  
兀盤紆列兩湖滅沒煙塵生萬井灌木森如百頃和

初學集詩註 卷第九

三

俯視楓林背日景丹邱錦城斯在下紛紅駭綠誰能  
整恍然生身色界上累蘇積塊何足省虛堂像設禮  
金粟空山精怪見銀杏淨名無言我亦默饑來且噉  
蔓青餅辟塵試辨古石鉢揀芽約致新土茗齋鐘撞  
罷尋破山松風颭颭四山靜笑揮篋輿却竹杖判將  
老足試頑礪高僧墳畔僧族葬空心潭下無潭影空  
門何用悲宿草吾友多情淚如綆今年冬暄霜未濃  
丹楓爛結丹砂汞殘紅恰似佳人老夕陽更愛晚粧  
靚閑身良久好風日天其以此慰幽屏清游無緒心  
自勞歸塗雲物彌炯炯揮手且與山僧別多謝維摩

老木癭

意行

放翁舍北行飯書觸目詩意行

惠不在天

錢氏

私誌東坡在惠州佛印居江浙以地遠無人致書為憂有道人車契頌春慨然嘆曰惠州不在天上

行即到矣因色界 婆沙論有十八色可丁施設故三色

禪有三天少淨無量盡遍淨四禪有九天福生福

愛廣果無想無煩無熱善現善見色究竟 累蘇積魄列于周穆王篇王

視之其官糊若 累魄積蘇焉及化人之官俯而

題李長衡為吳生畫溪山秋靄圖

吳生遇盜事亦奇。襍被囊琴暮雨時。向盜乞畫真癡絕。盜亦欣然還擲之。此書經營良不苟。老樹槎牙怪

初學集詩註

卷第九

三

石走豪奪巧取或可慮。豈意魯弓還盜手。今年逢君

書畫舫。收藏欲厭宣和編。展玩竟日頭目暈。更撫此

卷心茫然。水墨淋漓如欲語。眼中斯人定何許。畫裏

還看漠漠雲。燈前自聽瀟瀟雨。詩腸淚眼半焦枯。短

歌偏塞堪盧胡。憑君更屬松圓老。為寫江干乞畫圖。

魯弓

左傳文公九年陽虎歸寶王大弓

盧胡後漢書應劭傳昔鄭人以乾鼠為璞鬻之

于周宋愚夫亦寶燕石。縱紹十重夫觀之者掩口盧胡而笑。

冬夜觀劇歌為徐二爾從作

金鋪著霜月上楹。高堂綺席陳吳羹。撞鐘伐鼓催嚴更。促尊合坐飛兕觥。蘭膏明燭凝銀燈。缸花夜笑春



風生。瞿瞿。蹙水光盈盈。繡屏屈膝。圍小伶。十三不足  
十一零。金花繡領。簇隊行。行列參差。機體輕。宛如魁  
壘。登平城。涉江采菱。發新聲。紅牙檀板。縱復橫。絲肉  
交奮。梁塵驚。歌喉徐引。一線清。江城素月。流雛鶯。歌  
闌曲罷。呈妙戲。僂童當筵。廣場沸。安西師子。金塗背  
擲身。倒投不觸地。尋撞上索。巧相背。須臾技盡。腰鼓  
退。西涼假面。復何在。險竿兒。女心猶悸。滿堂觀者。爭  
愕眙。人生百年。一戲筭。郭郎鮑老。多顛顛。今夕何夕  
良宴會。主人携酒。坐客位。秉燭歡娛。笑惜費。舞衣却  
卷光。絲絃。歌場尙圓聲。搖曳。眼花耳熱。各放意。客歌  
初學集詩註 卷第九 五

未晞主既酌

金鋪

三輔黃圖金鋪玉瓦注曰金鋪扉上有金華中作獸乃龍蛇鋪首以銜環也安西

獅子

白樂天西涼伎樂府西涼伎假面胡人假獅

子刻木爲頭絲作尾金塗眼睛銀貼齒奮迅  
毛衣擺雙耳如從流沙來萬里紫髯深目兩胡兒  
鼓舞跳梁前致辭應似梁州未陷日安西獅子進  
末上索西京賦走索上而相逢李善曰索上長繩  
時交相慶所謂繫兩頭于梁舉其中央兩人各從一頭上  
舞絙者也今發紅羅紛絳絳今統素聲師

古絳絳衣聲也絳  
千賄反絳音蔡

徐于王挽詞二首

夢雨菴中幾夜分。綠尊絳蠟共知聞。海棠小院春深  
兩楊柳。新詞日暮雲。貧病不愁添白髮。彌留猶悵別

紅裙與君花下多游跡但遇花時便哭君

箱篋蕭然屏當時為君閒理舊蛛絲魚想像旁行

字香粉凋殘艷體詩廢圃蜻蛚栖萊甲空廊蝙蝠撲

花枝秋來無限傷心處鄰笛斜陽又一吹

旁行史記大宛列傳畫革旁行以為書記幸昭云外夷書皆旁行今南方林邑之徒書皆旁行

不直鄰笛向子期思舊賦序鄰人有吹笛者發聲下也鄰笛寥亮追思曩昔遊宴之好感音而樂

贈新安汪景謨汪精于蘆筴時僑居廣陵

十里紅樓映好春朱顏綠髮綸巾少年曾傲龍頭

容此日真成鶴背人后土祠前花似玉軒轅鼎裏承

為銀竹西歌吹重城月爛醉從他淮海塵

初學集詩註 卷第九

五

后土祠郇氏閭見雜錄揚州后土廟有瓊花一株宋丞相郊構亭花側榜曰無雙謂天下無

也別林軒轅鼎皇帝登仙處黃帝採首山之銅鑄鼎

之下于荆山竹西歌吹杜牧之題禪智寺詩誰知竹西路歌吹是揚州重城唐

史牛僧孺出鎮揚州薛杜牧掌書記揚州勝地也

每重城向夕倡樓之上常有絳紗燈萬數輝羅羅

遊若仙境牧常出沒馳逐其間

闕盡滄桑髣末華悠悠人世幾蟲沙憂時尙貯桓寬

論為國空餘卜式方朔舊聽金馬詔陶朱終泛五

湖槎迎仙樓畔多仙侶進酒應將聚似瓜

桓寬論漢書公孫田劉諸人傳贊宣帝時汝南桓寬次公推行隱錄之議增廣條目極其論難著數萬言亦欲以究迎仙樓祝穆方輿勝覽揚州迎仙樓高顯建治亂成一家之法焉



羅隱詩云仙境是誰知  
處所人間空自遣樓臺

庚午除夕次孟陽山中詩韻

除夜蕭條風雨晨。庭萱侵雪旋生春。爆殘竹似蕉。圓稿時神廟實錄告成故事實錄符換桃仍華。戶神不處焚禱於大液池之舊園

用署門辭過客也。須謝竈請比鄰。山中喜有林逋在。

自與梅花作主人。

祭竈

漢書孫寶傳張忠辟寶為屬寶自劾去後署寶主簿寶徙入舍祭竈請比鄰

辛未元旦次除夕韻

流年赴壑值斯晨。歷落艱危五十春。已與昌黎同命

主。更推渤海作詩神。謂高達夫也移山莫問河濱叟。卜宅

初學集詩註卷第九

美

還招栗里鄰。拜罷北堂無一事。商量蠟屐伴高人。

同命生

東坡贈虔州術士謝晉臣詩生時宿直斗牛箕林子仁曰先生自謂生時與退之相

似蓋命官在斗門而身官亦在焉

渤海新唐書高適傳適字達夫滄州渤海人年五十始為

詩節工每一篇已好事者輒傳布

新歲有感次前韻二首

頌椒銘柏競芳晨。只有寒門怕放春。世少窮交休著

論。宵多愕夢不驚神。履霜往往悲中野。乞火紛紛媿

比鄰。數樹江梅將破萼。未知索笑何何人。

焚香散帙坐清晨。澁雨慳風妬早春。依社憑叢原是

鬼。牽絲刻木總為神。漢臣未可營居第。齊國還須卜

市鄰取晏子近市貴賤之說

聞道公車徵射策少年誰似雒陽

澁雨慳風

張師正倦遊雜錄陳恭公知揚州陳少常亞曰近作一謎四箇脚字直上四箇

脚字直下經年度歲不會下若下不是風起使雨下公未塘乃待制廳上茶牀苟或宴會卽慳值雨澁值雨也胡仔茗溪漁隱叢話風或謂譏姜侯設繪堂嚴冬昨日今日皆天風少府設繪歌姜益唐人已布豎風依社晉書庾修傳修伐社樹或澁雨之謔非也

樹則社移樹而爲憑戰國策桓思有神叢俾少社伐樹則社亡矣年請與叢博曰吾勝叢叢

藉我神三日不勝叢叢我乃左手爲叢投右手自爲投勝叢叢藉其神三日真往求之遂弗歸五日而叢枯七

日而叢亡牽絲刻木楊大真外傳上皇懷捨不巳吟刻木牽絲作老翁雞

皮鶴髮與真同須臾舞罷寂無事還似人生一夢中吳正仲優古堂詩詠云唐梁錦詩非明皇作也

初學集詩註

卷第九

毛

卜市鄰

左傳昭公三年景公欲更晏子之宅辭曰小人近市朝夕得所求小人之利也敢煩

里旅及晏子如晉公更其宅反則成矣既拜乃毀之而爲里宰皆如其舊則使宅人反之且諺曰非

宅是小唯鄰是卜二三子先卜鄰矣卒復其故宅

人日書事示李一孟芳用前韻

澹蕩風懷佳麗晨商量何法破新春築臺未許逃文

債作廟還應祀酒神人日梅花多喜氣草堂南北有

芳鄰與君便是仙源客莫漫招他問路人

逃債臺

御覽帝王世紀曰周赧王雖若天子之位爲諸侯所侵逼與家人無異貫于民無以

歸之乃上臺以避之故周人因名也祀酒神新唐

臺曰逃債臺故洛陽南宮籛臺是也續傳績所居東南有盤石立社

東祠祭之尊爲帥以焦革配



言樹堂詩爲金壇于季鑾作

高門何將將。蘭綺臨通衢。北堂高且靜。網戶綴綺疏。  
夾牕夏爽爽。複突寒渠渠。堂中何所有。規地施氈氍。  
筵席肆莞簟。賓祭登牢蔬。堂者何所樹。萱草滿階除。  
四垂復六出。葉跗相扶疎。壽母居此堂。有子承歡娛。  
壽觴一再舉。慈顏與萱如。萱花非桃李。不隨春華徂。  
萱樹非松柏。侵雪常卷舒。光風轉蘭蕙。庭萱與之俱。  
綠衣戲堂下。翩反遞相於。子潔比白華。朱萼被絳跣。  
映帶萱草色。丹白紛蔽敷。嘉名應宜男。孫枝美且都。  
芳蘭茁其芽。靈芝產坐隅。我思潘安仁。奉母賦閒居。  
初學集詩註 卷第九 宋

爲君歌此詩。紳帶還自書。

蘭綺

張平子西京賦武庫禁兵設在蘭綺薛綜曰  
鋪架也劉逵魏都賦註受他兵曰蘭受弩曰

綺

宋王招魂冬有突夏王逸渠渠詩國風權

渠

日突複室也夏大屋也渠渠與草夏屋

渠乾沒

晉書潘岳傳岳性輕躁趨勢利其可數誦  
之日爾當知足而乾沒不已乎後岳被誅

將詣市與母

別日負阿母

感秋二首 辛未立秋日

扁舟約畧潞河東。去國孤身似斷蓬。已是三年成昨

夢漫餘雙鬢待秋風燈前波浪中宵兩簾外榮枯半  
樹桐自分無才方宋玉不將搖落怨天公

腸斷都門送別人三年懷裏字猶新朱厓夢入真堪  
畏碧血藏來可化塵容髻爲君添颯拉心期媿我尚  
輪囷飄搖一葉知何處轉向秋風嘆此身臨邑司馬沒于請室

時復見夢故有李朱岸之感

朱厓夢

賈氏談錄李贊皇竄南海歿而不返咸通中令狐丞相絢嘗夢德裕訴云吾獲罪先

朝過亦非大今已得請于帝矣君方持衡柄誠爲孤請俾窮荒孤骨得歸洛陽葬斯無恨矣他日令允納卒獲歸葬洛陽

送南刑部侯主事入賀冬至節觀省其尊人太

初學集詩註

卷第九

元

傅公兼奔長公之喪

清時貴戚總能文瓊萼瑤枝孰並君觀省長安元近  
日會朝冬至正書雲石城皓月懸鳩暑易水寒風掠  
鷹羣燕市停鞭倘相憶玉河落葉尚紛紛

玉河

大明一統志玉河源自玉泉山流經大內出都城東南注大通河

讀汪三遺民詩集

柳老鶯殘笑白顛長干遊跡尚依然閑尋舊句如藏  
謎細讀新詩當紀年世事憎騰中酒後交情約畧看  
花前曉來頻噫綠何事應爲衰遲綴此編汪詩多列貴游余亦

附名其間故有此諱



頰噓詩國風終風章頰言則噓箋曰汝思我心如是我則噓也今俗人噓云人道我此古之道也語

戲題徐元歎所藏鍾伯敬茶訊詩卷

鍾生品詩如品茶龍團月片百不愛但愛幽香餘瀝  
留齒牙徐郎嗜茶又嗜鍾生詩微吟短咏爬癢處恰  
是盧仝飲到搜腸破悶時鍾生逝矣徐郎慟吟詩啜  
茶誰與共生平臭味阿堵中生作茶郵死茶供今年  
徐郎示我茶訊篇兼携好茗穀雨前坐聽松風拂石  
鼎手汲雲浪烹新泉茶罷還枕石欄眠沉吟茶詩欲  
恣然高山流水在何許但見風輕花落縈茶煙我不  
初學集詩註 卷第九 三

解茶又不知詩一碗兩碗天池六安茗一首兩首黃  
金白雪詞情騰茗節良足樂清吟韻事非所宜還君  
此卷成一笑何異屠門大嚼眼飽胸中饑

黃金白雪詞

趙隣因話錄陸鵝漸其先不知何許人竟陵龍蓋寺僧姓陸于隄上得一

老蚌珠光照海東東臯佳氣正籠葱莫噴問字為遙

集其母燕婢也故且喜呼名見小同與其父年月皆有選集之譜

義更切也人世但求庚癸足生年更要甲辰雄三奇六合

人誰曉湯餅筵前問乃翁

小同 後漢書鄭玄傳玄唯有一子益恩孔融在北

海舉為孝廉及融為黃中所圍益恩起難腹

身有遺腹子玄以其 庚癸足 范成大丙午新正書

手文似已名曰小同 懷詩一飽但斬庚癸

諸百年甘守甲辰雄左傳哀公十三年若登首山

以呼曰庚癸乎則諸杜預曰軍中不得出糧故為

私隱庚西方主 甲辰雄 盧氏雜說裴晉公庚在相

穀癸北方主水 位日有槐瘦一枚欲削為

枕時郎中庚咸世稱博物名請別之庚捧玩良人

曰此槐瘦是雌樹生者恐不堪用表曰郎中甲子

多少庚曰某與令公同是甲

辰生裝曰郎中便是雌甲辰

送人之廣東

客衣初授省裝綿。南食秋衾楓葉邊。不是之官持漢節。何妨過嶺酌貪泉。兵依黃木占烽戍。吏叻紅蕉望

初學集詩註 卷第九

三

海船驛路逢人還問我。為言霜鬢正蕭然。客先自嶺海回驛人

多問余起居

黃木 昌黎南海神廟碑扶

戲題王德操小像四首

在家真可著袈裟。七尺枯藤兩碗茶。還有閑情難忘却。虎頭明月馬勝花。

在家 五燈會元十七祖僧伽難提尊者七歲即厭

世樂父母許其在出家東坡吳子野出家

詩出家非今日施宿曰廬山蓮社雜錄謝靈運人

投名入社遠公不許靈運謂生法師曰白蓮道人

將無謂我俗緣未盡而 馬勝花 周公講齊東野語

不知我在家出家久矣 馬勝花 馬勝藝花之技名

天下凡花之早放者其法以紙飾密室鑿地作坎

緋竹置花其上糞土以牛溲瓠黃盡培澆之法然



後置沸湯于吹中少俟湯氣薰蒸則扇之以微風益然盛春融淑之氣經宿則花放矣

靜夜然燈響木魚清晨餅拂赴精廬眉間黃氣綠何

事新得蕭娘一紙書德操長齋入道與草衣道人有

袖中喜見眉宇人望而知之

也是詩人是道人等閑風月闌關身虎邱燒了王微

姝更覺松禪氣味真

龐公靈照機相似通德伶玄意若何却怪畫師非石

恪不將天女伴維摩

靈照 龐居士語錄居士將入滅謂女靈照曰視日早晚及午以報靈照出戶遽報曰日已中矣而有餓焉可試暫觀居士踰席臨窓靈照乃石恪

椽榻跌坐而逝居士回見笑曰吾女鋒捷矣

### 初學集詩註 卷第九

三

東坡石恪畫維摩頌我觀石子一處土麻鞋破帽露兩腋能使筆端出維摩神力又過維摩語

辛未除夕

除夜柴門獨放開新愁舊悶總相關半生心事寒燈

裏數載交游宿草間懶聽比鄰喧爆竹笑看童稚撞

冰山春風一櫂滄江曲應占漁莊第幾灣

牧齋初學集詩註卷第十

錢後人錢曾遵王箋註

茗南 鈔訂

東海朱梅朗巖分枝

崇禎詩集六

起五年壬申  
盡九年丙子

壬申元日

元日幽居一事無。雀羅寂寂到朝晡。人教老却衡門  
裏。天爲妝成臥雪圖。時事總忘新燕子。世情只笑舊  
桃符。停雲八表知何意。且坐東軒進一壺。

朝晡

樂天渭村退居  
詩朝舖須餅餌

停雲

湖明停雲詩  
霽霽停雲  
濛濛時雨八表同昏平

初學集詩註

卷第十

一

路伊咀靜寄東軒春醪獨  
撫良朋悠逸搔首延佇

人日得張藐姑刑侍書却寄

書閣摩挲嗅古香。冰消硯北逗春光。蕭條歲序逢人  
日。迢遞音書到草堂。天井烽煙新壁壘。玉關魂夢舊  
風霜。天涯相望俱頭白。各對梅花說斷腸。

天井

樂史寰宇記天井關一名太  
行關在晉城縣南太行山上

玉關

漢書西域  
傳阨以玉

門陽關孟康曰二  
關皆在燉煌西界

東嶺

嶺

卜肆行贈毘陵周午陽給諫稼軒推重午陽時

時延至問卜故以賈生爲喻

君不見維陽賈生能籌國。篋衍新書治安策。痛哭流



涕長太息。身逢明盛。心偏側。漢朝卿相。疾如讎。讒言  
堆積成山。邱填胸攢眉。不稱意。洗沐出游。長安市。忽  
逢季主。談天人。伏軾低頭。心欲死。世運箕風。還畢雨。  
可憐賈生。心獨苦。前席居然。答鬼神。長纓何日。羈口  
口有人如鳳。復如鴻。長笑端居卜肆中。微言但託龍  
門史。世主徒聞河上公。

篋衍

莊子天運篇  
盛以篋衍

季主

史記日者列傳司馬季主  
上千長安東市宋忠賈誼

同輿而之市游于卜肆中季主方辨天地之道日  
月之運陰陽吉凶之本二大夫再拜渴坐定季主  
復理前語宋忠賈誼出市門僅能  
自上車伏軾低頭卒不能出氣  
箕風畢雨  
獨斷

風伯神箕星也其象在天能興風  
雨師神畢星也其象在天能興雨

如鳳如鴻  
法言問明

初學集詩註

卷第十

二

篇或問君子在治曰若籠在亂曰若鳳或人不喻  
曰未之思矣曰治則見亂則隱鴻飛冥冥七人何  
慕河上公唐會要開元七年左庶子劉子玄上議  
今之所注老子是河上公其序云河上  
公者是漢文帝時人結茅庵于河曲因以為號以  
所注老子授文帝因冲空上天不經之鄙言流俗  
之虛語漢書藝文志注老子者有三家河上所釋  
無聞焉請黜河上公升王弼之注司馬微亦云漢  
史實無其人然所注以養神為宗  
以無為為體請河王二注俱行

新安汪烈婦歌

君死妾亦死。君往泉臺盍相俛。君死妾暫存。數上日  
送君歸墓門。君身已葬君有息。妾下從君乃其職。七  
日不食我何求。區區寸心庶不食。世間男子一種饑  
餓腸。紛紛籍籍食粟如蟪蛄。豈如汪家新婦不食死。

千年梁黍堆廩倉吁嗟乎首陽之風今已矣宋家筋  
得亦如此

枋得宋史謝枋得傳枋得居閩魏天祐強之而北

已而疾遷惘忠寺留夢炎使醫持藥雜米飲進之枋得怒曰吾欲死汝乃欲我生耶棄之于地終不食而死

### 題相士倪生卷子

二十年前識君父期我飛騰起雲霧祇今晚晚又識  
君霜毛雪鬢徒紛紛人生能得幾二十觀河皺面何  
足論鶯看火色誠何有曷鼻魑顏戲已久誰令鄭圃  
還食豨但見魯門如喪狗勸君揩拭兩青銅相法如

### 初學集詩註 卷第十

今也不同塵埃若欲知卿相先看麀頭鼠目公

觀河首楞嚴經波斯匿王言我生三歲慈母攜我

言汝今自傷髮白面皺其面必竟皺于童年則汝

今時觀此恆河與昔童時觀河之見有童耄否王

言不也佛言皺者為變不皺非變曷鼻魑顏史記

變者受滅彼不變者元無生滅曷鼻魑顏蔡澤

傳蔡澤從唐舉相唐舉熟視而不笑曰先生曷鼻

巨眉離顏覺粥膝學吾聞聖人相殆先生生乎食

豨列子黃帝篇神巫自齊來處于鄭知人生死存

心瞻與見壺子示以地文天壤又示以太冲莫朕  
明日見壺子見未定自失而走壺子曰吾示以未  
始由吾宗故逃也列子自以為未始學麀頭鼠目  
而歸三年不出為其妻爨食豨如食人麀頭鼠目  
南部新書李揆秉政苗侍中薦元載揆不納謂晉  
卿曰龍章鳳姿之士不可見麀頭鼠目之子乃求



寄荅廣東孫方伯恭甫

攤書撥墨笑窮忙。散髮蕭然作報章。閣筆為君嘗異味。閉函知我襲名香。清齋荔子充堂食。長日蕉陰轉印床。會得故人謝贈意。披襟分取北窗涼。

報章僧適之金壺記張旭草書為世所重有人家貧因卜旭為鄰日數四致簡于旭得其報章

遂鬻于市後獲富足焉

仲夏觀劇歡讌浹月戲題長句呈同席許宮允

諸公

浹月邀歡趁會期。老夫牝耗也追隨。可憐舞豔歌嬌日。正是鶯啼燕語時。中酒再霽年少病。討花重發早春癡。閑身好事渾無賴。看取霜毛一番遲。

初學集詩註 卷第十

四

霜毛唐詩紀事李幼卿詩近日霜毛幾番新

桐花風軟燕泥新。一月歌場幾旬。小戶權為衝酒

客。大家挨作佐別花人。追陪勸讌應。賒老驅使風光

莫較貧處處。典衣鋪妓席。知誰相笑又誰嗔。

小戶樂天醉後絕句猶嫌小戶大家撫遺蜀州有長先醒不得多時住醉鄉大家紅梅數本都

侯構閣環牆以固之游人莫得見也一日梅已芳有兩婦人憑闌語笑守梅吏走報郡侯既政鑰聞

不見人唯于東壁有詩云南枝向暖北枝寒一聞春風有幾般憑仗高樓莫放笛大家留取倚闌干

別花人樂天紫薇詩除却微之見鋪妓席樂天對酒吟妓

席客來鋪





子產以爲戚。因問謁其兄弟。告之曰。觸情而動。耽于嗜慾。性命危矣。子納僑言。則朝自悔。而夕食祿。朝穆曰。吾知之久矣。爲欲盡一生之歡。窮當年之樂。不遑憂聲名之醜。性命之危也。子欲以說辭亂我之心。樂祿喜我之意。不亦鄙而可憐哉。

### 壬申九月得萊城解圍報

山東盜方熾。勦撫策未分。援兵頓不進。瑟縮蟻子羣。萊人易子食。督師瑣不聞。聖人赫斯怒。西臺遣監軍。王生善推命。勸我無憂懼。謝君足辦賊。談笑行策勳。旬日邸報至。捷書果云云。萊城頓解圍。登賊祇游魂。惜哉王生術。何不獻吾君。坐看肉食者。薨薨聚蠅蚊。空樓下梧葉。颯如賁秋雲。呼酒互持勸。一笑日已曛。

### 初學集詩註 卷第十

六

謝君崇禎五年壬申孔有德據登圍萊上命西臺擇御史有文武大畧者遣往視師鄆縣謝三賓請行督鴈將士解萊圍復登城叛人入海逝去東省底定

### 贈萬尊師

峨眉秘籙爲君開。又向天師受職來。赤日吹唇俄致雨。青天燃手旋轟雷。成百怪術符至壇。輟羣神作禮迴。莫爲社公頻發怒。人閒狐鼠正喧嘩。

峨眉秘錄

萬尊師各國樞字環中江西南昌人少而好道習符法天啟七年丁卯登峨

眉山廬紫雲

按以陣異人神霄青符五雷秘法及斗日月爭魂煉度掄邪伐妖之訣戊辰三月之

楚遇馬全真謂曰子從峨眉老人來耶悉清則符靈派清則法靈子傳法而不傳派何也師急返峨眉紫雲爲師筮日立壇告于薩祖立爲十七代法嗣嫡孫凡有章醮符拜家書薩真人諱守堅昔虛

靖天師沒後十六年真人遇之于青城山遂相授  
通師得法于峨眉為薩祖嫡嗣并得上章虛靖冥  
明焉致雨祈雨兩既降道流私語何有兩而無雷  
師方持請雨勸舍未及焚雷神就其手掣轟雷  
去震電遠壇旋擊殺邑令所枷謗法者  
人有為狐魅者往効治之入門狐相詆訶師  
握掌默運雷訣須臾雷震羣狐死大樹下獄成  
所傳立罰都獄開八門真師郭大章劉王孟車  
夏劣桑八帥分守之韓帥分天兵討捕三七日  
夜三老狐五小狐反接自繫而至烹之妖息壇  
輟師治神用九青天律凡入境擒誅妖邪斬勦鬼  
輟物皆先牒城隍神若按治不効卽上章行舉  
注故設壇禮斗羣社公後漢書費長房傳長房能  
神無不符到奉行社公鞭笞百鬼及驅使社公或  
在他坐獨自恚怒人問其故曰吾責鬼魅之犯法  
者耳嘗與人共行見一書生黃金破裘無鞍騎馬  
下而叩頭長房曰還他馬放汝死罪人  
問其故長房曰此狸也盜社公馬耳

初學集詩註

卷第十

七

石田翁畫奚川八景圖歌

奚川八景圖石田翁為七世祖理平公及其兄理容  
公作也二公家世畊讀隱于奚川撮其勝槩釐為八  
景學士大夫咸歌咏之石田為補圖而系之以詩然  
而家譜失載家人宗老亦罕知者則其去吾家久矣  
廣陵李沮修見之於金陵王氏詢知為吾家故物購  
以見貽百三十年之後頓還舊觀焚香展卷欣慨交  
集遂作歌以記之繼聲屬和竊有望于君子焉

吾祖舊題奚川景石翁為作奚川圖廣陵封君好事  
者金陵購得歸于吾揩摩老眼細瞪視夜枕不寐朝



忘饋恍惚移身入畫裏故園喬木風景殊先從江村  
見小市誅茅葢瓦互架鋪洞庭蝦菜朝走集新豐雞  
鴨暮識塗楊柳微風颺酒幟杏花小雨提村沽市看  
石橋枕江臥紅欄綠浪臨交衢青箬裹鹽來浦激綠  
荷包飯歸菰蘆烝徒欣欣如有喜倘免厲波羣謹呼  
茅屋滄洲自映帶書聲漁唱相縈紉江流無聲清夜  
永有人引書仍挈壺蟹舍中間訪隱逸牛欄西畔尋  
生徒原隰坡陀似山麓行人才于通樵蘇千迴萬抱  
風氣密中有兆域鬪青烏帝鄉白雲封宰樹長江落  
日懸龜跡流泉夕陽昔相度江流地勢原相扶柳溪  
初學集詩註 卷第十 八

竹里間阡陌

柳溪理容公所居竹深堂理  
平公所居也二公皆以自號

築室穿池

連路隅竹深堂高日清闕琴劍彝鼎羅觀餽

湯東谷  
記六中

有瑤琴寶劍  
漢鼎周彝

紙窻攤書宿燈火石鼎聯句皆笙竽堂

中高咏者誰子得非草窻東谷無

草窻劉公薄東谷  
湯公肩積與七世

祖爲詩友所謂景秦十才  
子也贈送詩各見集中

此圖盤礴非草草想見閣

筆還操觚有竹庄中好賓主

有竹居石田  
翁所居也寒冰栗玉

清眉須攜畫歸來水月舫

七世祖有舟名水  
舫東谷爲長歌兄弟賞

鑿頻嘆吁收藏豈乏牙籤插愛惜寧將寒具濟清平

之世忠孝家有此識字畊田夫吾祖風流良可繼子

孫不畊且讀何其愚嗚呼不畊且讀何其愚

青鳥

黃帝傳有青鳥子能相

宰相宰樹三年宰上之本

拱矣何休

寒具

尚書故實桓立嘗盛陳法書名畫請客觀之容有食寒具不濯手而

執書畫因有沈立不懌自是會客環餅寒具齊民要術寒具是今所謂環餅

### 再題奚川八景畫卷

榮木樓頭風日美。秋光滿簷鵲聲喜。百年畫卷今來歸。水墨清妍照斐几。焚香洗爵告家廟。插架懸籤壓圖史。楚弓人得豈其然。曾玉盜歸安足擬。晴窗簾閣重摩挲。吾廬宛在奚川浣。吾家先世事耕讀。風光盡入此圖裏。白雲廻合藏松樹。喬木叢攢識桑梓。宅畔新成百步橋。墳旁手闢千家市。良田廣宅互經營。水

### 初學集詩註

#### 卷第十

九

垞江村正邈迤。竹深堂前竹萬箇。柳陰藹藹連粉榆。竹箭森森勝桃李。連畛距陌多種瓜。樊圃編籬不用柵。野店春風魚菜來。長江落日帆檣止。漁唱悠悠蘆渚閒。書聲琅琅茅屋底。犢背或看書挂角。庭前時見麥流水。秋依月令戒登穀。春按幽風勸于耜。輸租不憂馨鼓煩。種秫每詫甕缸侈。綠樹長維書畫船。青門頻倒逢迎屣。高人談經日異糧。好客哦詩夜同被。草窓先友竝崢嶸。竹屋遺詩尚綺靡。七世祖詩名竹深遺稿湯東谷深所推服承平王孫人共羨。文采風流更誰氏。自從後世占科第。舊業依然枕江汜。嗟余刺促



懼世網。白首孤生繫。碓兒二頃負。郭苦失計。三間老屋。知誰是。故園門巷長蓬蒿。西風罷亞生荆杞。慵惰有似僧。退院漂泊恰如舟。未艤布衣躬畊諒非晚。閉門種菜真窟矣。垂老重有石田書。三嘆先疇在故紙。奚川流水想桃源。竹深亭館思竹里。謝公述德吾豈敢。右軍誓墓徒爲爾。已分殘年老礮礮。更囑添丁充耘耔。往不可諫來可追。矢詩聊以詒孫子。

柴几

書斷列傳義之嘗詣一門生家見有一新柴几至滑淨玉便書之草正相半門生送王歸郡比還家其父已刮書畫船任淵曰崇寧中米元削都盡驚懊累日 刺促 李賀浩歌二十 碓兒 魏志王

初學集詩註

卷第十

十

質別傳白曹真罵坐質案劍曰曹子丹汝非屠几上肉矣質吞爾不搖喉咀爾不搖牙何敢恃勢驕耶種菜 蜀志先主傳注胡冲吳歷曰曹公數遣親近密規諸將備特閉門將人種蕪曹公使人闚門既去備謂張飛關羽曰吾豈種菜者乎開後柵與飛等輕騎俱去 竹里 新唐書王維傳別墅在輞川有竹里館

東臯種菊詩四首贈稼軒給諫

君畊東臯田。復種東籬菊。玉績與陶潛。俯仰共一屋。

東臯黃花時。悵望節候獨。陶令苦乏酒。辜負葛巾漉。

羨君浣溪堂。秋菊粲盈目。有花復有酒。開筵招近局。

何須嘆荒寒。已許占清福。酌酒酌兩賢。如農祀先穀。

菊以黃爲正。君子正其名。所以東臯老。欲掃紫與頰。

東臯千株菊。畦圃吁未經。單心復纏枝。千葉并萬鈴。  
庶以詭耳目。何用攬品評。節物苟如此。敢與時好爭。  
高咏南山詩。悠然想淵明。

黃為正

東坡贈朱遜之詩。願君為霜風一掃。紫與  
頰。序曰。洛人善接花。歲出新枝。而菊品尤  
多。遜之曰。菊以黃。萬鈴。吳門老圃史。正忠菊譜。傳  
為正餘。可鄙也。萬鈴。枝卷花。瓣薄。開過。轉紅。單  
心。菊。細心。花。瓣。大。黃。菊。心。

茸茸突起。花多半開者。如鈴。

胡廣患風疾。休沐飲菊水。八十猶克壯。侍母謝杖几。  
庸庸撓大議。公台負譏毀。惜哉神仙藥。遺穢等馬矢。  
靈均餐落英。早沉汨羅死。安知椒蘭徒。壽考非伯始。  
種菊愛其芳。紛紛且休矣。不如飲君酒。共醉寒香裏。

初學集詩註

卷第十

十一

胡廣

後漢書。胡廣傳。廣字伯始。時年八十。而心力  
克壯。繼母在堂。朝夕瞻省。無几杖言。不稱

老京師。諺曰。萬事不理。問伯始。天下中庸。有胡公  
及其李。固定策大議。不合。又與中常侍丁。肅。婚姻。  
以此。訊毀于時。自在公台三十餘年。禮任甚優。盛  
弘之。荆州記曰。菊水出。藏縣。芳菊。被涯水。極甘香。  
谷中皆飲此水。上壽百二十七。八十者。猶以為夭。  
太尉。胡廣。所患風疾。休沐。飲此水。後疾遂  
瘳。年八十。落英。吳曾能。改齋。錄。蔡條。西清詩話。  
二。薺也。落英。記。荆公有黃菊。飄零。滿地。金之句。  
而文忠公。非之。荆公以文忠。不讀楚詞之過。以余  
觀之。夕餐。秋菊之落英。非零落之落。落者始也。故  
築室。始。成。謂之落。水。爾  
雅曰。似落。權輿始也。

種菊東臯上。所喜秋露灑。移檻復列斛。馥郁開草堂。  
叢菊如羣賢。不雜屠沽行。其中高秀者。黃衣傲風霜。  
對之不敢媠。肅拜陳壺觴。君為醒無功。我似瘖子光。



秋光淡如菊。燕靜彌芬芳。老圃良足學。晚節安可忘。  
音哉東臯詩。山菊秋自香。

移檻開元天寶遺事楊國忠子弟春至之時求名花異木植于檻中以板為底以木為輪使人牽之自轉所至之處檻在目列斛武林舊事鍾美前便即欣賞謂之後春檻三層雕光彩鬱護以彩色壯丹畫衣間列碾玉水晶金壺及大食玻璃官窰等瓶各簪奇品如姚魏御衣黃照殿紅之類幾千至別以銀鍊窗戶間亦以分種數千百窠分列四面至于梁棟窻戶間亦以湘筒貯花鱗次

瘖子光新唐書王績傳仲長子光亦隱者也結廬北渚績愛簇插何啻萬朶晚節韓忠敏遺事公在北未嘗交語與對酌歡甚門重陽譙諸曹于後園有詩云不羞老圃秋容淡且看黃花晚節香公居官嘗謂保初節易保晚節難事事久着力所立

初學集詩註 卷第十 主

送座主王文肅公之子故戶部郎中淑抃歸闕  
中敘舊述懷一百韻

盜賊南山裏干戈左輔邊黔黎成狗鼠沃野變烽煙  
長吏嬰城免將軍棄甲遄流離踰四塞侵畧過三川  
方拒君何勇潛攻寇頗猥兒能張兩翼身卽領中堅  
據險乘牆屋飛機裸輓輒蒼頭咸用命赤手或當先  
浴血捫創面椿喉數斷咽長安舒羽檄餘賊返戈鋌  
戶部捍禦流賊身自搏戰賊退國有孤臣哭家亡坐  
攜家口入吳此後並述其事  
客羶所欣文未墜敢嘆室如懸秦市難增減金陵好  
梨鐫提攜書數十跋涉路三千汲水秋風急淮河落

梨音契 汲音亦 既音稜 覽也

日玄虺墮荒店馬。眩運下江船。握手翻疑夢。沉吟却

問年。酒巡街鼓緩。語熱燭花圓。揀眼風塵色。經心香

火緣。可堪今契闊。還記昔駢闐。此後並言文肅長翰  
典故及余登第及門

之萬曆丁申葉三秦。甲大賢舉朝推柱地。寰海望回

天子。又登高第師。將秉化權槐堂紆紫綬。杏花簇紅

箋。座主龍門峻。諸生鳳塔聯。愚蒙慙造士。流俗艷登

仙。衣鉢援垂手。宮牆企及肩。斷金容冶鑄。攻玉荷陶

甄。擬議繪屏筆。追陪浴殿員。風從微翕習。雨散漣連

漣。此後並言文肅領袖清流  
黨人披猖避位去國之事世豫私門孽。朝清國論

偏。鄙魁南北署。黨禁紹熙洽。杓直星依指。芒寒宿避

初學集詩註 卷第十 三

躔清流常皎皎。醜類正騫騫。伏莽興戎壯。高墉射隼

便。鐘原因物叩。鏡不爲人妍。肯待三年報。都將一網

寒。構兵彌澗楚。餘燼合崑宜。枉狀波翻覆。飛章矢屬

連。門蘭嗟并艾。釜豆泣相煎。保定公爲公元允黨人  
借名齣齣郎中爲實抵

縣令亦自解蓬池直。歸畊漆水田。人知馬融草。孰贈

繞朝鞭。門人爲臺諫起草劾公  
故有馬融飛章之喻斂手臨空局。樞衣任

老拳。城南瞻氣象。渭北釣清泉。雒下居仍介。關西望

益專。憲櫺題障塞。草野畫征虜。虎觀敷陳邈。龍樓羽

翼捐。儲宮商老慮。國步杞人憐。紛濁登樓外。憂危攬

鏡前。龍胡銜主恤。狼尾望公還。天啟初以先帝舊  
學起公口問旋罷山



斗看崔歸滄桑又改遷此已下並言奄寺鈞少陽蒙

出震雌霓比連卷黨考繫削籍之事馮依婦寺癩決藩管

萬燭鉤黨考楊漣削籍空三事刊章沸八埏拖腸難

仰藥折骨羨沉淵王媼子繁螟蟻閻兒長螳螂咸寧王紹

徽新乳虎倚氏喬應老饑鷲日日驚追捕家家庀梟

籠檻車拌並載牢戶儘平填已下敘公憂祈死身如

贅憂生骨亦痛鬼神猶助虐夫子遂長眠拉折靈胡

掌崩墮玉女蓮關河悲黯澹魁魅喜踟躕高冢侯芭

土修門宋玉篇百身吁可贖七尺愧猶全崇禎元年

名入京旋構閣暫許茅連茹俄看草蔓延孤踪何僕

訟再遭謗錄

初學集詩註 卷第十 古

邀羣刺總翩翮封印藤麻格堆盤火齊鮮覆金供鼠

赫點玉聚蠅瘡共嘆詹來魯空招隗至燕食寧留碩

果飲遽散初筵羅暄箕風暗飛流斗域殷觚稜朝戀

闕襍被夜乘編此已下自敘歸藿食還初服衡門省

宿愆折鎗煨粥飯田屏居之事秃筆弄丹鉛幸得懸車軸知誰任

屋椽解嘲真懶作罵鬼託殘編小築西湖畔巾車拂

水巔山窻雲淦淦戶竹媚媚石罅泉奔射林臯月

漏穿拈花迎夏蝶選樹陰秋蟬割肉歸神社桃燈送

佛錢經行尋北澗譚讌度南阡蟹舍長腰米漁莊縮

項編不材羞權腫為用憚犧牲已下敘余與郭舊雨

中贈處之意

增音持

來人少寒風送客旋含言心悄悄分手淚潺潺弟子

吾衰甚恩門或忘焉逢迎誰倒屣宴會罕加籩陸氏

莊荒矣廉公市寂然世途同鳥鼠薄俗異夔蚊底事

防人面何妨坐馬羈文肅門生滿吳下即中遠來不為具賓主之禮弛張求

省括燥濕學安絃物論將昭雪郎君定洗滌還期溫

比玉莫倚直如弦離別中年惡涼溫昔夢牽驪歌聲

慘愴雞酒恨纏綿下馬陵終拜金鑿集早傳賦詩當

贈處餐飯勉加旃

南山

漢書王尊傳往者南山盜賊阻山橫行沈休文齊故安陸昭王碑交南山羣盜未足云

三川

元和郡國志三川縣本漢翟道縣地以華池水黑源水及洛水三川會同因為各 廡

初學集詩註 卷第十

五

輒

爾雅釋宮輒謂之甕郭莫曰廡輒也今江東呼甕陸 浴血段柯古酉陽雜俎英公常

獵

命敬業入林趨獸因乘風縱火欲殺之敬業屠馬腹伏其中火過浴血而出英公大奇之 椿

喉

左傳文公十一年獲長狄僑如富父終甥椿其喉以戈殺之 文未墜後漢書杜林傳

林

得漆書古文一卷常寶愛之出以示衛宏等曰林流離兵亂常恐斯經將絕何意東海衛子濟南徐生復能傳之是 衣鉢王定保撰言放榜後狀行道竟不墜于地也

第

立斂名紙通呈與主司對拜主事曰狀元謝各第第幾人謝狀元注曰衣鉢謂得主司各第其或與主司先人同名第即謝大 浴殿元微之寄浙西衣鉢如踐世科即感泣而謝 文肅陸大夫詩浴殿

公

舉丙子鄉試第一丙戌始舉進士選翰林院庶吉士授簡討當是時保定公為御史不附權政公在史館方嚴易直西北正人推公兄弟為巨擘公



初學集詩註

卷第十

六

自宮坊歷亞卿皆不出詹翰萬曆中年黨論滋起  
 富平孫丕揚為冢宰秦人幾滿九列顧憲成講學  
 東林聲氣遙相應和邵輔忠首劾淮撫李三才憲  
 成馳書福清公救之羣小心恚焉疾富平發單訟  
 訪廷辯東林淮撫是非以為鈞黨計公歎曰秦人  
 與東林一網盡矣亟言于富平而止羣小破其謀  
 皆患恨後遂移兵向公庚戌公主會試宣城湯賓  
 尹為同考官與知貢舉崇仁吳公爭論聞事湯之  
 門人王紹徽構崇仁于公公正色拒之遂與宣城  
 成隙辛亥富平糾御史金時明阻撓察初時明  
 巡闕劾公之子寶坻知縣淑村罷歸及臨京察知  
 不免紹徽等嗾令時明先飛章逐公或得倖脫以  
 故富平糾之祭典未下而時明先以不謹免矣干  
 是秦聚奎有含死報國一疏言大臣結黨天下皆  
 趨附秦人而曹汭沐湯兆京遂疏參聚奎富平并  
 以宣城等七人劾單送閣下四月計疏下聚奎閑  
 住所謂七人者祭酒湯寶尹郎中張嘉言主事徐  
 大化御史劉國縉王紹徽喬應甲岳和聲俱降調  
 有差寶尹素負才名紹徽頗有清望一時人情亦  
 以為太甚諸附宣城者與夫忌秦而間東林者翁

訛構煽咸集矢于公公乃抗疏別白極論湯之所  
 以被察與紹徽等所以媒孽見中之故仍堅詞求  
 退身去而其事益大白矣甲寅福清去國從哲獨  
 相上以其庸庸也而安之凡有專疏俱留中唯為  
 言路所糾者其人竟不待旨自罷去由是臺省勢  
 重有齊楚浙三方鼎峙之名齊則丁詩教韓浚周  
 永春楚則官應震吳元嗣浙則劉廷元姚宗文等  
 盤牙交通宣城實陰為之主時復有宣黨鄭黨之  
 分宜謂賓尹崑謂顧天峻也至丁巳察黨鄭繼之  
 主之徐紹吉韓浚佐之而宣城操縱其權所處東  
 林殆遍其所以求勝于辛亥察典者盡不遺餘力  
 矣嗣後黑白混淆三案反覆宮鄰金虎卒與黨論  
 國成共相終始可勝歎哉天啟壬戌公以原官起  
 復甲子陞禮部尚書兼翰林院學士協理詹事府  
 事終以逆奄用事削籍家居紹徽應甲等冀緣逆  
 奄俱至大用紹徽又以應甲撫秦酷迫王之案之  
 贖欲起大獄公端端恐不誣也公于天啟丁卯屬  
 疾不起初羣小傾誅害公偽造叔扑劾保定公章  
 流傳邸報公上書言狀上令購捕主名門蘭益豆

之慨俯仰今門蘭蜀志周群傳先主將誅張裕諸

昔有餘洞焉李德裕述夢詩荷靜蓬池贈注曰每漆

後漢書地理志漆有漆水臣賢曰岐山詩云自土

漆沮地道記曰水在縣西皇馬融草後漢書吳祐

李固馬融為冀章吳祐曰見天下之罪成乎統朝左

文公十三年晉人患秦之用士會使魏壽餘偽為傳

魏叛者以誘士會統朝贈之以策曰子無謂秦無

人吾謀適障塞葉奇草木子一富室不解文字誤

詩壁間云獨守睢陽當豹關江淮賴此得憂危新

全安祇今青史俱零落猶障窓風一面當世難歎

書揚慎矜傳慎矜兄弟儀幹皆秀慎當世難歎胡

日兄弟皆六尺餘此貌此欲見容當世難歎胡

不使我兄弟少體萬燬工部屯田司郎中萬公燬

弱耶世哀其言萬燬字元白江西新建人萬曆

初學集詩註

卷第十

七

丙辰進士天啟四年甲子六月七日因慶陵工費

浩大疏請大內廢銅鑄錢協濟因極詆逆奄僭橫

比之王振劉瑾逆奄矯旨于午門外杖一百陰喻

金吾必欲致之死既復令諸閣展轉拖曳椎刺

拳毆血肉噴薄黃公尊素上表力陳其寃白半斃

關拳半斃廷杖遺議後世有秉董史之筆作朱子

之綱目者書曰某月某日部臣萬燬以言某事死

可不為聖明之一累哉一時人心之憤如此此逆

奄立威縱殺楊連天啟四年六月初四日楊忠烈

大懼立逐公等次年乙丑羣小煽禍復逮公等六

人下北司証以故經畧熊廷弼贖七月二十四日

公為逆黨許顯純考死獄中左魏二公同日受害

的以欺沉淵高忠憲死徒廢禁轉相連染借公為質

誣天下沉淵付其子處分家人從容燕語若將封

逮者獨臥一室夜半整衣冠向闕叩頭沉淵就義

其遺表曰臣雖削奪舊係大臣大臣受辱則辱國

故北向叩頭從螾螾爾雅釋蟲食苗螳蜋蝥蝻

屈平之遺則螾螾心螾食葉蝻螳蜋蝥蝻蝻蝻



韋昭曰：蚺，蟻子也。靈胡掌，張平子西京賦：綴以二華，也。蜃，蝠陶也。靈胡掌，巨靈鼻，高掌遠蹠，以流

河曲厥跡，猶存李善曰：遁甲開山圖曰：有巨靈胡者，偏得坤元之道，能造山川，出江河。

玉女，靈胡者，偏得坤元之道，能造山川，出江河。玉女，高五千仞，其

道廣十里，郭璞曰：上有明星玉女，持玉槳，得上服

之，即成仙道。昌黎古意詩：太華高冢，漢書：楊雄傳

峯頭玉井，蓮開華十丈，藕如船。高冢，雄卒侯邑，為

起墳喪，宋玉招魂：魂兮，火齊。昌黎：貞行夜

超資越序，曾無難入，然白日。火齊，作詔書，朝拜官

受賄賂，火齊磊落，堆金盤。倉來，魯七年，鄭詹自

齊逃來，正義曰：逃公羊，鄭詹自齊逃斗域，漢書：天

來，何以書書其佞也。曰：佞人來矣。斗域，漢書：天

和元年正月辛未，有流星從東南入北斗。折錯，燈

長數十丈，二刻斯息，占曰：大臣有繫者。任屋椽，戰

會元，惟儼禪師謂雲巖曰：與我喚沙彌。任屋椽，戰

來，我有箇折脚錯子，要他提上挈下。任屋椽，戰

策子叔聲伯曰：不厚其棟，不陸氏莊。唐語：林陸相

能任重，重莫如國棟，莫如德。陸氏莊，唐語：林陸相

初學集詩註 卷第十

六

氏羣羣知舉而陸氏子簡禮被黜羣妻李夫人謂

羣曰：子弟成長，盍置莊園乎。羣曰：今年已置三十

所矣。夫人曰：陸氏門生知禮部，陸氏子廉公市，史

無一得事者。陸氏一莊荒矣。羣無以對。廉公市，史

廉頗傳：廉頗失勢之時，故容盡去，及復為將，又復

至頗曰：客退矣。容曰：君何見之晚也。夫天下以市

道交，君有勢，則從君無勢。鳥鼠，山海經：鳥鼠同穴

則去，固其理也。有何怨乎。鳥鼠，山海經：鳥鼠同穴

隴西首陽縣西南山，名曰：鶴鼠，名曰：鼯鼠，今在

家鼠而短尾，鶴似燕而黃色，穿地入數尺，鼠在內

壬申除夕

補舊說：董仲舒墓門人過，皆下馬，故謂之下馬陵。後人語訛為蝦蟇陵。

流年告別又匆匆，送歲蕭條不送窮。撩眼光陰燈火，  
醉撞胸心緒漏聲中。門符換却看新面，書蠹鑽餘識

錄音定似  
短尾  
人家鼠而

舊叢多謝天公耐貧薄。一般白髮領春風。

癸酉元旦

壽觴初舉日瞳矐。賀客駢闐燕喜重。羅雀驚飛門屏外。垂魚拜舞寢庭中。流年荏苒看兒長。報國逡巡願歲豐。奏罷綠章占氣象。墻隅遙望朶雲紅。

垂魚

昌黎曹成王碑王之遭誣在治念太妃老將驚而成出則囚服就辯入則擁笏垂魚

乙亥中秋吳門林若撫胡白叔二詩人引祥琴

之禮勸破詩戒次若撫來韻四首

二老相依貧病鄉。賣詩賣藥自成行。病知居士安心法。貧得詩人換骨方。有句却難償酒債。無眸聊省看

初學集詩註

卷第十

九

排場蓮華世界君知否。總向詩籤藥裏藏。

安心法

東坡病中遊祖塔院詩因病得閑殊不惡安心是藥更無方

換骨方

吳正

仲優古堂詩話鮑慎由答潘正見詩云學詩比登仙金膏換凡骨蓋用陳無已答秦少章學詩如學仙時至骨自換之句放翁夜吟絕句六十餘年安學詩工夫深處獨心知夜來一笑寒燈下始是金丹換蓮華世界華嚴經光明覺品金卮世界妙色骨勝優鉢羅花色世界金色世界寶色世界金剛色世界玻璃色世界平等色世界

說鬼煩煩及志支。興來姑使妄言之。尋仙却喜華顛

早失學翻嫌躑躅遲。愛殺黑甜如混沌。憎他青鏡有

妍媸。達生頗羨東鄰老。盡典衣襦合舞兒。

東鄰徐二爾從也

志支

趙與時賓退錄洪文敏著夷堅志但談鬼神之事以段柯古支諾臯支動植尤崛奇又支



而廣本通妄言之葉石林乙卯避暑錄子瞻在黃

三百篇語則必出而訪客所與游者亦不盡擇各隨其人

高下談諧放蕩不為吟哇有不能談者則強之使

說鬼或辭無有則曰姑華顛劉向新序齊宣王謂

妄言之聞者無不絕倒閻邱曰士亦華髮

墮顛而混沌荃翁貴耳集馮翊羽士寇朝一事陳

後可用處士得睡之大畧遠全神觀惟睡而

已小童劉垂範往見寇其徒以睡告劉坐寢外聞

鼻鼾之聲雄美可聽曰寇先生睡有樂乎華胥

既有曲譜記如何劉以漉妍蚩鄭谷閉題句

墨塗滿紙題曰混沌語妍蚩鄭谷閉題句

逢精鑑定妍蚩若教嫫母臨朝鏡也道不勞紅粉

施姚寬西溪叢語秦嘉書曰問得此鏡既明妍媸

及觀文彩世所希有

移文與君話到滄桑事一笑挑燈已夜分

初學集詩註

卷第十

三

璽鬪龍拏總不聞席門簾閣看浮雲鴛籠出入偏藏

影豹脚飛鳴恰聚羣葦笥家家愁繫籍草堂往往勒

龍拏元遺山楚漢戰處詩鴛籠吳均續齊諧記陽

行遇一書生求寄鴛籠中却不覺重前行息樹下

奩子具諸肴餽酒數行又于口中吐一女子共坐

寔俄而書生醉臥此女日向亦竊將一男子同行

暫喚之願君勿言于口中吐出一男子仍與彦敘

寒溫書生臥欲覺女子吐一錦行障遮身書生

留女子共臥男子又于口中吐一女子共纏酌戲

調甚久聞書生動聲男子取所吐女人還內口中

須臾書生處女出曰書生欲起乃更吞向男子然

後書生起謂彦曰暫眠遂久日中留平三年所作

還服吞此女子諸銅器悉內口中草堂孔德璋北山移文五臣曰鍾山在都北其

也草堂先周彥倫隱于此山後應詔出為海鹽縣

令欲却過此山孔生乃假山靈之意移之使不許

得至故云北山移文李善曰梁簡文帝草堂傳曰

汝南周顒昔經在蜀以蜀草堂寺林壑可懷乃于  
鍾嶺雷次宗學館立寺因名草堂亦號山茨樂天  
別草堂絕句身出草堂心  
不出廬山未要勒移文

殘生噩夢兩無憑。還似飛鴻乍離筵。酒戶下中禁亦  
得。詩腸枯澁戒何曾。鈞簾想像粘風蝶。穴紙商量放  
凍蠅。綺語未成先欲懣。炷香遙禮二幢僧。  
白叔樹二  
經幢於花

山刻二  
幢詩集

酒戶 放翁深居詩病來酒戶何  
妨小老去詩名不厭低 粘風蝶 陸龜蒙橋  
化橋之蠹

大如小指齒葉飢蠶之速蛻爲蝴蝶聳空翅輕臂  
然而去須臾犯蝨網而膠之引絲還纏牢若拳拈  
放凍蠅 東坡次定慧欽長老見寄詩  
鈞簾歸乳燕穴紙出痴蠅 綺語 緣起經  
身口意

生十惡身三殺盜淫意二貪嗔  
痴口四妄言綺語兩口惡舌

初學集詩註 卷第十

閑坐

三

青袍白馬已駸駸。閑坐東窓度曉陰。聖代自能調化  
瑟。孤生末忍治祥琴。功名豈是無因立。將相須從有  
福尋。苦向巽桐論斲削。勞薪長恐誤知音。

青袍白馬 庾信哀江南賦青  
袍如草白馬如練 化瑟 漢書董仲舒傳  
竊譬之琴瑟不

調甚者必解而更張之乃可鼓也爲政  
而不行甚者必變而更化之乃可理也祥琴  
子既祥五日彈琴而不將相 郤氏聞見錄太宗以  
成聲十日而成笙歌 將相 陳搏善相人遣詣南  
衛見真宗及門亟還問其故曰王門廝  
役皆將相也何必見王建儲之議遂定 勞薪 晉書  
荀勗 傳嘗在帝座進飯曰此是勞薪  
所炊帝遣問膳夫實用故車脚

北客



每逢北客怕趨陪。况復平津閣裏來。正好一涼蘇病  
骨。莫將殘熱惱寒灰。詔麻舊紙糊棋局。京雒新函拭  
酒杯。秋草蕭蕭鋤不得。無媒徑路任君猜。

無媒徑路杜牧之送隱者絕句無媒徑路草蕭蕭自古雲林遠市朝

仙壇倡和詩十首

慈月夫人前身爲智者。大師高弟降乩於吳門。示余  
曰。明公前身廬山慧遠也。從湛寂光中來自忘之耳。  
用洪武韻作長句見贈。期待鄭重。且屬余曰。求椽筆  
作傳一首。以耀于世。亦道人習氣未除也。余爲作泐  
師靈異記。并和其詩十首。師示現因緣全爲台事。現

初學集詩註 卷第十 主

鬼神身護持正法。故當有天眼證明。非余之戲論也。

湛寂光首楞嚴經澄心不動湛寂生光如是一類名少光天習氣未除傳燈錄僧

問滄山曰。頓悟之人更有修否。師云。如今初心雖  
從緣得一念頓悟自理。而猶有無始曠劫習氣未

淨能頓

荷風掩露日瞳矐。精舍焚香降泐公。臍欲與君談此  
事故。應未始出吾宗。人間久已長迷鹿。天眼何曾誤  
識龍。領取尊師深重意。醉花眠竹謝春工。

精舍釋迦諸息心所樓故曰精舍出吾宗莊子應帝王篇壺子曰曩吾示之以未始

由吾宗郭象曰雖變化無常而常深根牽逐也識龍東坡悟空踏詩豈爲龍顏更分別只因天

眼識天人

月地雲皆觀閣。夫人秩祀比仙公。妙華已悟三車。法台教今為繼。別宗神降。摘詞嘗吐鳳。此回卓筆欲成龍。麻姑狡獪真年少。擲米區區作鬼工。

台教

釋氏稽古錄天台智者大師諱智顛字德安生荆州華容陳氏誦法華經至藥王品乃悟

法華三昧陳大建七年抵建康九月至繼別記大

天台山創庵行道後世宗之曰天台教繼別

子為祖繼卓筆蘇易簡文房四譜昔有僧惠遠製

別為宗此筆不墜乃擲于成龍續顏氏家訓雜藝篇王羲

空中卓然不落平笑曰姑故少年吾老矣不喜作

飄若游雲擲米葛洪神仙傳麻姑擲米如真珠方

橋若驚龍變化也

三生殘夢喚瞳矚

記別深慙是遠公

已悔六時違淨

初學集詩註 卷第十 五

業誰傳四始立詩宗 盲人說法逃真象 狂子談禪好

假龍後五百年虛囂累 剝竿倒却仗神工

記別華嚴經須彌山頂品六時張喬寄山僧絕句

猶向山中或見神足或聞記別四始惠洪冷齋夜話遠公自以宗教

禮六時為已任而授詩禮于宗雷輩象永明壽禪師心賦達觀象之明目注曰大涅槃

經明象有摸象各說異端不見象之真體亦況

錯會般若之人依通見解說相似般若九十六種

外道及三乘學者禪宗不得肯人並不是見象之

真體唯直下見心性之人如畫見後五百年金剛

色分明無惑其已眼者可相應矣來滅後後五百歲有持齋修福者于此章句能生

忽奉金口之言娑婆世中儼破珠函之秘

金闕參陽曉氣曠綠章促數上天公帝方蒿目憂黎



庶君亦齋心相祖宗。狐鼠亂行憑虎豹。魚蝦波及爲蛟龍。靈風肅穆帷中語。憑仗神工鞞國工。

寥陽

黃庭內景經閉居蕊珠作七言梁邱子注曰秘要經云仙宮中有寥陽之殿蕊珠之闕翠

纓之房

萬戶烟銷旭日曛。扣門猶自夢周公。中原血肉悲朝市。寢殿衣冠哭祖宗。高廟神靈容鼠雀。皇天老眼混魚龍。朝廷補袞知誰手。組織爭如貝錦工。

師示詩爲余白其貝

錦故有此句

熹微旭日隱瞳矐。猶喜人天眼至公。言論無聞疑叔

度。衣冠見慕愧林宗。

贈詩有叔度林宗之目

生嘗畏世諳談虎

初學集詩註

卷第十

五

術不逢時學象龍。鼠臂蟣肝更何有。從今一一聽天

工

蟣肝

古文苑宋玉小言賦縮于蠅鬚宴于毫端烹虱脛切蟣肝會九族而同濟猶委餘而不殫

帝城雲物正瞳矐。尺一何曾及子公。踰蹬半生悲宿

業。昇平中夜想神宗。殘生却似重歸鶴。退士渾如未

見龍。身與蒼生同稿項。敢云霖雨待人工。

子公

漢書陳萬年傳咸滯于郡守時王音輔政信用陳湯咸數賂遺湯予書曰卽蒙子公力得

入帝城死不恨師古曰子公湯之字

日薄懸車氣尚矐。未應衰晚羨羣公。勳名行輩皆綸

閣。位業交游半岱宗。

師稱應山江陰俱爲冥官

綜核又聞新丙魏

拜稽空說舊夔龍。茫然斂手君休笑。贏得空杯號國

10

仙壇樓觀鬱瞳矐。大筆真難繼魯公。雙樹至今留法

寶。五花那得蔽台宗。闔廬城下聞經雉。烏目山頭聽

法龍。師許五月十三日降于余家。應與諸天共盟證。待余結集付

良工。

魯公

樂史寰宇記花姑姓黃氏名令微臨川人也慕道出家于魏夫人舊壇修行嘗于井山遇

一狂象為毒箭所中花姑拔去之後嘗啣蓮藕來置花姑所唐開元九年姑謂弟子曰吾將化矣勿釘我棺但以絳紗幕之既而風雨晦合眾聞天樂異香但見絳紗有孔大如雞卵發而視之惟被覆木簡而已座前奠瓜數日生蔓結實如桃王  
子者二刺史顏真卿撰仙壇碑具載其事雙樹簡

初學集詩註

卷第十

三

棲頭陀寺禪然後拂衣雙樹脫屣金沙李善曰佛在拘尸那國力士生地阿利羅拔提河邊娑羅雙

樹間爾時世法寶翻譯名義集光明玄云五花尊臨涅槃傳

錄達磨偈曰一花開經雉劉熙釋名屈頸閉氣烏

五葉結果自然處經雉日雉經如雉之為也烏

目山海虞文苑張應遴虞山記按山海經注及宋長文所記虞山舊名烏日山宋李堪題烏木

詠詩則延福興福淨居永慶龍院皆在法龍釋氏

五詩則延福興福淨居永慶龍院皆在法龍釋氏

法師僧肇自為沙門各震三輔什公在始結集論

大迦葉住須彌山搥銅健椎而說偈言佛諸弟子若念于佛當報佛恩莫入涅槃是健椎音大迦葉

語聲徧至三千大千世界悉皆聞會語

弟子得神通者皆來集會結習法會  
天門間闔日瞳矐靈瓌傳宣佑鉅公天子鉅公也已救東  
皇邀木母更驅西伯獻河宗蕩除讒佞投哮虎潤澤



燦相遺睡龍玉扎金文司命誥仙班咫尺領羣工師職

天下方洽平末章致頌禱之意

河宗

穆天子傳天子西征至陽紆之山河伯與馮夷所都居是惟河宗氏天子沉璧于河河伯

乃與天子披圖視典用觀天子之寶器遣睡龍孫光憲北夢瑣言江

縱火焚之多司命誥顏真卿魏夫人仙壇碑銘夫

燒起睡龍關之下授夫人玉扎金文位為紫虛元君領上真司命南岳夫人比秩仙公

白叔德操傳起廢之信遺詩枉訊次韻奉答聊

用解嘲

病甕誰傳起廢年開械一笑晚風前鷄因惜尾憂瀕

死鼠為拖腸怕上天貢禹冠應慙宿好子公書肯仗

初學集詩註

卷第十

三

時賢五湖儘有闕風月已具鴟夷舊釣船

病甕

柳子厚起廢答甕浮圖有師道少而病甕日愈以劇居東祠十年扶服輿曳未嘗及人側

匡愧恐甚今年他有師道者悉以故去始學者與女釋者依俛無所師遂相與出甕浮圖以為師

送陸大孟鳧之錫山學官

握衣緩帶儼師儒顧影依然笑步趨客枕夢依雙堦

近秋堂人共一燈癯橫經先誦披華賦設教如頒調

水符莫嘆廣文官獨冷老夫久已著潛夫

披華賦

陸士衡文賦謝朝華之已披調水符東坡調水符詩序

致兩瓶恐後復取而為使者見給因破竹為契潛使寺僧藏其一以為往來之信感謂之調水符

夫後漢書王符傳符耿介不同于俗遂不得升進志意蘊憤乃隱居著書三十餘篇以訛當時失

得不欲章顯其名  
故號曰潛夫論

答越卓凡憲副

中山篋裏謗書新  
博得沙場百戰身  
天以垂成留劇賊  
帝將不死答勞臣  
衣深赭色橫戈久  
筆退鉞鋒草檄煩  
我欲為君歌督護  
夜闌醉酒向鈞陳

歌督護 宋書樂志都護歌者彭城內史徐達之為魯軒所殺宋高祖使府內直督護丁壯收殮殯埋之達之妻乃高祖長女也呼呼至閣下自問殮送之事每問輒嘆息曰丁督護其聲哀切後人因其聲為鈞陳

廣其曲焉 楊子雲甘泉賦伏鈞陳使當兵服虔曰蒙微宮外營陳星也

陸宣公墓道行

延英重門晝不開  
白麻黃閣飛塵埃  
中條山人叫闈

初學集詩註 卷第十

七

吳金吾老將聲如雷  
蘇州宰相忠州死  
天道寧論乃如此  
千年遺櫬歸不歸  
兩地孤墳竟誰是人言藁葬留忠州  
又云徵還返故邱  
圖經聚訟故老闕  
爭此朽骨如天球  
齊女門前六里路  
蕎麥茫茫少封樹  
下馬猶尋董相陵  
飛鳧孰辨孫王墓  
青草黃茅萬死鄉  
蠅頭細字寫巾箱  
起草尚傳哀痛詔  
閉門自驗活人方  
永貞求舊空黃土  
元祐青編照千古  
人生忠佞看到頭  
至竟延齡在何許  
君不見華山山下草如熏  
石闕豐碑野火焚  
樵夫踞坐行人唾  
傳是崖州丁相墳  
兩地孤墳 陸友入吳中舊事吳郡城北有一大冢在山塘之西相傳為唐相陸宣公墓故





水石清妍鶴骨癯依然劍佩列仙儒此中若著刑和

璞便是王郎破墨圖王晉卿以破墨畫邢和璞房次律論前生圖

邢和璞明皇雜錄開元中房瑁宰盧氏與道士邢和璞使人鑿池得瘞中所藏婁師德與永禪師書

笑謂瑁曰頗憶此耶瑁因悵然悟前生之為永禪

也師

鈴柝蕭閑香篆灰江濤射枕夢初回分明記取三生

事會聽金山粥鼓來

金山粥鼓東坡大風留金山詩濤山道

計口壘鹽度六時放衙取水一軍持人言宿世修行

慣不是禪師定律師

初學集詩註 卷第十

軍持翻譯名義集軍持此云籠寄歸云軍持有二若奩瓦者是淨用若銅鐵者是觸用西域記

云楮椎迦卽藻瓶也舊云軍持說畧也西域尼畜軍持僧畜藻灌謂雙口藻灌事鈔云應法鈔灌資

持去謂一斗已下

空花水月影層層却後生前總一燈要與雲山說

柄也將玉帶施山僧

玉帶東坡以玉帶施元長老元以衲裙相報詩欲

佛印禪師法名了元隴州人公久與之遊時住持

潤州金山寺公赴杭過潤為留數日一日值師掛

脚此間無坐處公戲云暫借和尚四大用作禪杖

師曰山僧有一轉語內翰言下卽答當從所請如

稍涉擬議則所繫玉帶願留以鎮山門公許之便

解帶置几上師云山僧四大本無五蘊非有內翰

欲于何處坐公擬議未卽答卽急呼侍者云收此



玉帶永鎮山門公笑而與之師遂取衲裙相報

贈翁朔州兆吉二首

朔雲邊雪夢鱸尊數載方州一角巾  
暈月圍城悲飲血嘶風歸騎喜抽身  
佛燈長似平安火詩債渾如簿領塵  
君正懸車吾削跡東阡北陌好為鄰

暈月

史記天官書平城之圍月暈參畢七重

平安火

唐六典唐鎮戍每月初夜放烟

一炬謂之平安火

吹藜高閣俯迴廊絳帳青燈列雁行  
朔州為先夫子高足弟子吹藜授經處也  
三傳春秋推武庫一門簪笏儼靈光  
誰從宣室虛前席且說安昌坐後堂  
尚憶荷衣呼出拜白

初學集詩註

卷第十

三

頭愁絕舊書郎

元遺山詩書郎零落今頭白腸斷荷衣出拜時

後堂

漢書張禹傳禹內舍淫後堂理絲竹管絃弟子彭宣戴崇二人異行禹親愛崇敬宣而疎

之崇每候禹將崇入後堂飲食婦人相對極樂乃罷宣之來也禹見之于便坐講論經義賜食不過一肉卮酒未嘗得至後堂兩人皆聞知各自得也

華山道者劉虛中募刻道德經於崖石懼其為

山靈之累也作詩送其去以諷止焉

太華五千仞道德五千言靈岳與寶書終古元氣存

君今鑄此經磨厓勒山垠模寫時俗書名氏相綴分

俗書多破體踏駁何足云山中無隙目安取軒冕羣

雲臺石室間刻畫留癡痕山靈亦何咎罹此鉗繫冤

願君回俗駕。息機罷紛紜。歸從老希夷。勦勦臥雲根。

五千仞 山海經太華山削成而四

甫陽陳氏壽讌四首

南極光依藜火青。澄霞助月見精熒。老人星下多芒

蠶。還是陳家舊聚星。

老人星 史記天官書狼北地有大星曰南極老人

于南

方床竹几夾窻紗。人說毘耶居士家。滿室天花都不

著。長留法喜伴維摩。

毘耶 肇論淨名杜 法喜 東坡贈王仲素詩雖無孔

初學集詩註 卷第十

維摩詰言法喜以為妻慈悲以為女

磊落金盤荔子殷。傳觴壓酒賽朱顏。絳羅襦裏膚如

玉。恰似仙人出海山。

絳羅襦 東坡初食荔枝詩海山仙人

開宴吾家舊幔亭。絲雲十日駐青冥。賢郎近向吳門

去。又說麻姑過蔡經。

幔亭 武夷山志秦始皇二年八月十五日武夷君

致酒會鄉人于幔亭峯上如期而往至山頂

聞空中呼鄉人為會孫命張安陵打鼓秀姿

鳴洞簫行酒進食奏寶雲之曲再拜而別

丙子中春日茂苑相公謝政遄歸招邀燕賞余

與其仲啟美張異度徐九一劉漁仲追陪信宿

勦作勦 音呼侯切 勦音呼切 勦音呼切 勦音呼切 勦音呼切



游虎邱支硎諸山記事四首

謝公高興寄東山。遲日招邀共賜閒。問壑尋邱塵世外。巾車蠟屐畫圖間。風寒乍勒回春候。雲潤俄經作雨還。最喜林深無虎豹。夕春猶許歷孱顏。

夕春

淮南子天文訓篇日至于淵囑是謂高春至于連石是謂下春

短簿祠前花正殷。相看心在水雲間。蓮宮載酒仍招隱。竹院逢僧又得閒。蟲鶴變餘存白社。劫灰飛盡表青山。公言子厚多題句。一笑何當澹蘚斑。十四日遊虎邱余語

茂苑相公言。章子厚題詩亦與此山並存乎相與一笑而出。

短簿祠

王賓虎邱山志東山廟即短簿祠廟在八山南迤東嶺上相傳奉東亭獻穆公從山

初學集詩註

卷第十

三

之東抵郡城西北居

竹院虎邱山志踰山之嶺西折而之北有平陸焉且

僧就其處結屋一區。古木修篁。左右交闕。烟雲旦晦。或失不見。殆猶竹林化境也。人目之為小竹林。登山之人。窮探歷訪。足倦將休。忽然望見此所。則又不厭躋攀。而必至焉。子厚題句成。

大吳郡志。章子厚虎邱詩。闔閭城外。小層巒。瘦竹寒松。數化里間。並岸逢僧。知近寺。八門鑿石。漸登山。純鉤。劍化空池。在幽獨。詩成白角。閑游。客幸無官。事。何須。齋。筋。斂。昏。還。傳。聞。城。角。帆。行。舟。自。難。笙。歌。選。勝。遊。偶。為。寒。江。阻。潮。沙。再。容。清。賞。屬。林。岫。燕。回。吳。苑。風。和。雪。夢。斷。殘。塘。月。滿。樓。盡。把。蘇。杭。好。烟。

景醉吟。將沈蘚斑。虎邱山志。虎邱巖石之上。及劍去。詫。東。水。沈。蘚。斑。池。東。崖。有。宋。元。人。題。名。記。亡。慮。百。數。苔。侵。蘚。蝕。沈。剝。始。見。然。多。漫。滅。矣。

岡複溪迴一徑穿。招提樓閣暮雲邊。山腰正值諸峰缺。寺面平鋪萬頃烟。為問把茅尋石室。莫因滌井嘆

寒泉茂苑與蒼雪法師有結茅之約道人縱鶴今何處且放雙眸向

碧天十五日遊中峰院

招提增輝記招提者梵言拓闢提奢唐人四方僧招提即今十方把茅傳燈錄雲若問洞山如何是住持寺院是也

茅蓋頭縱鶴南二十五里晉沙門支道林卓錫于此山名平石為硯又以支公處此故名支硯

舊傳道林居石室中所遺故物有木鞋鐵拄杖之屬有放在亭馬

跡石皆因之得名

廿年游跡花山寺巖圍觀人盡可憐失馬因緣雙鬢

外云羊岐路一燈前青松旋覺龍鱗長白石還驚鳥

道連昏黑藍輦重回首藤蘿新月近諸天自寒山遊花山寺昔

初學集詩註 卷第十 三

游二十許人惟茂苑昆弟異度及余四人在

上茂苑相公二首

講席延登入禁闈主恩施許遂初衣雲還碧落原無

意鶴向青霄豈倦飛竹下清齋餘鳥施花間小院與

僧歸天庭黃色仍如許知是先生戰勝肥

延登漢書五行志臨延登受策師古曰延入而登殿也鳥施北秀集廣宣應制詩簷前

施飯來飛鳥林下行春踏落林

也知脫屣一官無每為憂時或嘆吁屋棟豈應勞我

祝床稜寧患少人模片茅蓋頂真堪老兩膝隨身不

要扶竺塢虞山過雲處勃教雙鶴迺相呼



屋棟

世說規箴篇陸玩拜司空有人詣之索美酒得便自起瀉著梁柱問祝曰當今乏才以爾

為柱石之用莫傾良箴

梁玩笑曰戲卿良箴床稜盧氏雜說蘇味道初拜相有門人問曰天

但以下事之殷相公何以爨和味道無言兩膝東坡

毅夫久旱甚雨詩不如西州過雲松陵集陸龜蒙

楊道士萬里隨身唯兩膝四明山詩序山

中有雲不絕者二十里民皆家

雲之南北每相從謂之過雲

曹能始為先夫人立傳寄謝

逐子東征杳莫從機殘績冷江戶寶青編幸遇曹能

始彤管何慙范蔚宗築室不堪論舊隱焚山寧復問

新封孤生滿掬三春淚泉客珠成恰似儂

逐子東征曹大家東征賦唯承初之有七吟余隨子乎東征李善言大家集日子穀為陳

初學集詩註 卷第十 三

留長大家隨至官作東征賦少陵途王

十五判官還黔中詩大家東征逐子回彤管范曄

列女傳贊區明後漢書袁閎傳延熹末黨亭

風烈昭我彤管築室將作閎遂散髮絕世欲投迹

深林以母老不宜遠遁乃築土室四周于廡不為

戶自歸納飲食而已且于室中東向拜母母思閎

時往就視母去便自掩焚山屈原九章介子忠而

閉兄弟妻子莫得見也立枯兮文君寤而追

求封介山而為之祭兮報大德之優游王逸曰文

公得國賞諸從行者失志于推子推遂逃介山隱

文公求之不肯出因燒其山子推抱樹燒而

次劉漁仲留別韻

南國猶殘半月春東亭共愴百年身與君作別難成

醉欲贈將離始覺貧黃卷秋燈燒尾客綠尊朝日畫

眉人蘭臺好獻雄風賦莫漫微詞及宋鄰

黃卷

宋景文公筆記古人寫書盡用黃紙故謂之黃卷顏之推曰讀天下書未遍不得妄下雖

黃雖黃與紙色類故用之以滅誤今燒尾封演見

臺家詔敕用黃故私家避不敢用

子初登榮進及遷後朋僚置酒音樂以展歡宴謂

之燒尾說者謂虎變為人唯尾不化須為焚除乃

得成人故以初蒙拜授如虎得為人本尾猶在氣

體既合方為焚之故云燒尾一云新羊入羣乃為

諸羊相觸不相親耐火燒其尾以定貞觀中太宗

問朱子奢燒尾事以燒羊事對中宗時兵部尚書

韋嗣立新入三品侍郎趙彥昭假金紫吏部尚書

卽雀混復舊官上命燒尾令于興慶池設食

赤糜銅馬逼淮徐老屋三間幸著子坐甲裏糧師曰

老拂衣擲硯計全踈廟堂鈎黨語弧矢郡國求金急

羽書早辦枚臯傳檄手莫誇詩賦似相如

赤糜

漢書王莽傳赤糜聞之不敢入界師古曰銅糜眉也以朱塗眉故曰赤糜古字通用

初學集詩註

卷第十

壹

馬

後漢書光武紀高湖重連與銅馬餘象坐甲裏

合光武復與大戰于蒲陽悉破降之

糧左傳文公十二年秦軍掩晉上軍趙穿追之不

俟拂衣擲硯蘇易簡文房四譜僖宗朝鄭畋盧携

同為相不協議黃巢事忿爭于中書

堂盧拂衣而起袂

染于硯而投之

枚臯傳檄文章敏捷長卿制作

淹遲骨盡一時之譽楊子雲曰軍旅之際戎馬之

間飛書馳檄用枚臯廊廟之下朝廷之中高文大

典刑

葛將軍歌

吳人葛誠以蕉扇招市人殺稅監蔡

江淮間舟舩賽祭之輒有驗

葛將軍萬夫雄我昔遇之婁水東魃顏虎鼻眉目古

蕉扇颯拉吹秋蓬死骨穿近五人冢生蒐嘯動五兩



風葛將軍今死矣。權奇倣儻誰與儼。生惜不逢漢武帝。鴻漸之翼困閭里。犬臺宮中應召見。上林牧羊躡草履。君不見車丞相宮殿出入乘小車。亦是上書一

男子。近多召見上書。人不次除拜。

五人冢。張溥五人碑記曰：五人者，蓋當蓼洲周公之破逮，急于義而死焉者也。郡之賢士大夫請于當道，即除魏閣廢祠，以祀之。且立石于其墓門，以旌焉。周公被逮，以十月三日，擧士民哭聲震天地。緹騎厲聲呵比，眾噪而相逐。中丞毛一鷺為魏之私人，周公之逮，所由使也。噤不敢出聲。既而以民亂請于朝，按誅五人，曰：顏佩章、楊念如、馬傑、沈揚、周文元。五人當刑，顏色揚揚，呼中丞名而詈之。談笑以死。斷頭置城上，色不少變。周卿因之，吳公太史文起、文公孟長、姚公發、五十金買五人首函之，卒與屍合。故五兩風。郭景純江賦：閱今之墓中，全乎為五人也。五兩風。郭景純江賦：閱

善曰：許慎淮南注：統候風也。楚人謂之五兩。權奇樂府：鮑照吳歌：五兩了無聞。風聲那得達。漢書禮樂志：天馬歌志：倣儻精權奇。犬臺宮。苑中。長安西二十八里。漢書江充。車丞相。漢書車千秋傳：千秋無他材能，名見犬臺。車丞相。學術又無依，聞功勞，特以一言寤意。旬月取宰相，封侯世未嘗有也。後漢使者至，何奴單于曰：漢置宰相，非用賢也。一妾男子，上書即得之矣。初，千秋年老，上優之，朝見得乘小車入宮殿中，故因號曰車丞相。

初學集詩註 卷第十

美

雲間張老工於累石，許穆家相依賦，此招之二。

首

百歲平分五十春。四朝閱歷太平身。長鑱短屐全家具。綠水紅樓半主人。荷枝有兒扶薄醉。船無鬼笑長貧。山中酒伴更相賀。花發應添愛酒隣。

縛船

昌黎送窮文結柳作車縛草爲船

不是尋花卽討春，偏於忙裏得閒身。終年累石如愚叟，倏忽移山是化人。無酒過牆長作惡，有錢掛杖已忘貧。明年肯踐南邨約，祭竈先須請比隣。

祭竈

漢書孫寶傳張忠辟寶爲屬寶自劾去後署寶主簿寶徙入舍祭竈請比隣

王二溟布政謝事家居八十如少壯聽歌度曲累夕不倦奉贈二首

蕭閑真欲擬騷鸞，矍鑠猶能說據鞍。小建纛旗臨魏部，平分旌節領騷壇。三休詎向中條勒，四漫詩甯退谷刊。猶恐非熊頻入夢，鑄除溪石不名蟠。

初學集詩註

卷第十

毛

麴部

雲仙雜記汝南王璉取雲夢石甃泛春渠以畜酒作金銀龜魚浮沉其中爲酌酒具自稱

釀王兼麴

杜牧贈趙嘏詩今代元結退

部尚書

騷壇杜牧騷壇將誰登李杜壇退谷銘序

休湖西南是退谷土源以漫叟退修耕釣退遊此谷遂命日退谷王象之輿地紀勝退谷在樊山郎

亭

名場戰地謝驅馳，禪榻茶煙颺鬢絲。功在乃州成昔夢，罰依金谷賦新詩。嘗餐苑藥抄雲子，自酌鶯歌教雪兒。萬樹梅花方破臘，祝君先插向南枝。

雪兒

孫光憲北夢瑣言雪兒李密之愛姬每見賓僚文章有奇麗入意者令雪兒叶音律以歌之

奉贈會稽倪太公十四韻



家學經鋤世所欽。會稽竹箭比南金。辭方娥廟爲絲  
絹。筆向耶溪淬劍鐔。揮灑剡藤成五色。鏗錡雷鼓有  
餘音。分災射的年年白。飲德河醪處處沈。滿載樵風  
頓往復。扁舟夜雪每追尋。花深梅市詩嘗徧。月滿柯  
亭酒自斟。修竹茂林供列座。青鞋布襪稱長吟。千巖  
萬壑爲圖畫。禹穴秦碑自古今。烏府風霜傳舊節。鯉  
庭桃李接新陰。長公侍御史  
視學南畿膝前御史床猶在。宅畔  
尚書塢正深。虞竹盈階方鬱鬱。丁松入夢轉森森。蓬  
萊春水浮仙閣。石鏡梅花媚遠岑。上樹呼猿輕作伴。  
升堂使鶴衆如林。陽明宛委家山是。誰識先生萬古  
心。

初學集詩註

卷第十

五

經鋤

漢書兒寬傳帶經而鋤休息輒誦

剡藤

李肇國史

補紙則有越

雷鼓

漢書王尊傳母持布鼓過雷門師古曰雷門會稽城門也有大鼓擊此鼓聲聞洛陽輿地志云勾踐應門之上有大鼓名曰雷鼓以威于龍也會稽志云雷門上有大鼓長二丈八尺聲聞洛陽孫思射的水經注

亂軍士所破有雙雀飛出後不鳴

射的射的山

狀若射侯西有石室名射堂年登否常占射的以爲貴賤之准的明則米賤的闇則米貴故諺云射的白斛米百射的玄斛米千樂史寰河醪寰宇記

宇記射的山在會稽縣南一十五里

勾踐投醪之所樵風會稽東南一十五里鄭弘少

採薪得一遺箭項之有人覓箭問弘何欲弘知其

神人答曰常患若耶溪載薪爲難願朝南風暮北

風後果然世梅市寰宇記梅福遇王莽亂棄妻子號樵風溼之會稽人多依之逃爲村落

柯亭

後漢書蔡邕傳注張騰文士傳曰邕告吳人曰吾昔嘗經會稽高遷亭見屋椽竹東間第

十六亭可以爲笛取用果有異聲伏滔長笛賦序

庭

唐詩紀事寶歷中楊于陵僕射入觀其子嗣復

賦詩席上楊汝士詩後成元白覽之失色詩曰隔

庭應須賜柳眉盡將仙翰入高堂文章舊價

大醉齊謂其子弟曰御史床寰宇記在州東南四

帝玄覽賦云御史之床猶在都護之門不修尚書

鳴寰宇記在會稽縣南三十三虞竹晉書稽康傳

與阮籍等爲丁松寰宇記丁固山陰人少夢松生

竹林之遊腹上謂人曰松字十八公果爲

司蓬萊與地紀勝蓬萊閣在郡設廳石鏡任昉述

初學集詩註

卷第十

五

載鑄鏡湖邊今磨鏡石猶存石畔呼猿吳越春秋

常潔不生艸與地紀勝在鏡湖旁越有處女

出于南林道逢袁公試使鶴寰宇記石帆山下有

翎術飛上樹化爲白猿懸巖名爲射堂傳云

仙人嘗射于此陽明輿地紀勝陽明洞在宛

使白雀取箭委山里人云卽是禹穴宛委

吳越春秋禹思聖人所記在于九山東南天柱號

曰宛委因夢見玄衣蒼水使者登山發金簡之書

識字行

題典門哀節母冊子

母能識節字見能識孝字人生識字只兩箇何用三

倉四部盈箱箒羨君傭書養母能不憂白華潔白充

晨羞牛腰詩卷爭傳誦行看綽楔懸烏頭君不見長

洲陳五經摠衣跪母提汲澣籬邊使者星馳報天子

詔書一夕來青冥





